



BIBLIOTEKA
Zakł. Nar. im. Ossolińskich

XVI 3140





278A
1800
F. Dux

STANISLAI
ORICHOVII
ROXOLANI
FIDELIS SVBDITVS.
Sive
DE INSTITVTIONE REGIA
ad Sigismundum Augustum
Libri duo.

Cum præfatione Iacobi Gorscij, ad Serenissimum
Regem Poloniae, Stephanum
Bathorrheum.



CRACOVIAE.
In Officina LAZARI: Anno Domini,
M. D. LXXXIII.

11.755



XV. Ru. 3440

A D. S E R E N I S S I M V M

R E G E M P O L O N I A E ,

S T E P H A N V M B A T H O R R H E V M

In Fidelem Subditum

I A C O B I G O R S C I I P R A E F A T I O .



RINCEPS ILLE H E -
truriæ Mæcenas, à quo eruditorum
virorum literarumq; patroni, Mæce-
nates, proverbiali sermone, appellan-
tur, Serenissime Rex Stephane, Cæ-
sari Octauiano, qui à Senatu Augustus appellatus
est, rerum posito, & de summa imperij deliberanti, &
Rempub. ut tum Agrippa suadebat, Senatui & po-
pulo Romano reddere volenti, ut, quòd ipse imperium
tot, tantisq; bellis, magno cum labore, plurimisq; &
suis, & suorum periculis liberasset, atq; ab interitu
vindicasset, perpetuò retineret, autor fuit: idq; ei splé-
dida sanè & copiosa oratione suast, quòd rem Roma-
nam, alia ratione nequaquam subsistere posse cerne-
ret: propterea quòd prudens ille vir, nunquā defutu-
ros in tanto imperio videret, qui vel ambitione impe-
randi, ad seditiones excitandas, incitarentur, vel o-
dio aduersariorū & vlciscendi cupiditate, victores ad

arma raperentur, qui bella è bellis fererent, ac in malum Reipub. & diserti, & strenui essent. Cui morbo quoniam nulla alia medicina mederi posse videretur, præterquam si unus totius imperij potestatem haberet; eam potestatem, ut ipse Cæsar, qui tot, tantaq; bella pro patria gesserit, qui orbi terrarum pacem reddiderit, ut retineret, hortatus est. Cuius consilium, cum Augustus approbasset, & semel acceptum imperium, retenturum se promisisset, & rationes tanti imperij, ab uno gubernandi demonstrari sibi postularet; Mæcenas pro suo, & erga Cæsarem amicum, singulari, & erga patriam amore communi, ea consilia & rationes Reipub. constituendæ illi demonstrauit; ut in ea eius Monarchia, nemo libertatem eam, in qua natus esset, desideraret; et ille optimi principis & patris patriæ cognomentum consequeretur. Inter quæ quidem Mæcenatis consilia, quæ Augusto dederat, illud etiam erat; ne cuiquam facultatem se adeundi, consiliumq; ei aliqua in re dare volenti denegaret. Cuius consilij eam rationem reddebat. Quod, si verba eius, qui consilium daturus veniret, fates sibi facerent, ac consilium illud utile videretur; magnum fructum, non exiguumq; utilitatem inde caperet: sin verò leue esset; iacturam tamen ille nullam inde sentiret. & propterea monebat, ut & bene consulentem honore afficeret, &

ceret, & cum, qui minus aptè diceret, non reprehenderet; quòd mens cuiusq; in consilio dando, non euentus rerum spectandi sint. Cuius rei Demosthenes etiam ille omnium Græcorum summus Orator suos Athenienses monere solebat, omnibusq; consulendi de Repub. potestatem dandam esse suadebat; ut è multorum multis consilijs, quod optimum esset, diligendi facultas ciuitati esset. Et euidem sèpè fit, ut qui videre nihil videantur, eos optimè pro tempore consulere videamus: et quod maximis viris in mentem cogitare non veniat, à vulgi aliquo de promatur, adeò, ut & cérdo aliquando, loqui opportune, prouerbio satis trito, dicatur. Quod Mæcenas, cùm sèpè fieri accidere non ignoraret, inter cætera gubernandi imperij consilia recta, Cæsari hoc ipsum suadebat; ut facultatem cuique ad se accedendi, & verba apud se faciendi, daret. Quod euidem Serenissime Rex Stephane, ut tu item facias, exhortari te non est opus: sponte tua id facis: omnibus te facilem præbes: nemini nostrum potestatem te ad cundi, & verba apud te liberè faciendi, denegas. Augustum alterum te principem experimur: nec sanctiorem, nec benigniorem unquam in hoc regno Regem cognouiimus. Duas plurimùm à se distantes virtutes in te admiramur; sæueritatem, & comitatè. Sæueritas tua, & grauitas, imperio digna,

vt te veneremur: comitas vt amemus, facit. Sæueritas enim cum grauitate, vitæq; sanctitate, Maiestatem Principum sustentat: Comitas, atq; humanitas, amoris parentes sunt. quas quidem virtutes, qui coniunxerit, ac in præsidium aduocauerit princeps; optimè imperio suo consulit, seq; securum omnes in partes reddit. Nam vt seueritas contemni, ac negligi se non patitur; ita comitas, atq; benignitas omnes in sui amorem rapit, amicosq; efficit. Quibus virtutibus, quod te serenissime Rex munieris, easq; Regni tui comites tibi adsciueris; firma præsidia tibi adhibuisti. His præsidij munitus, & hostilem animum frangis; & tuorum Ciuium, summum amorem erga te excitas. Hoc idem Augustus Cæsar fecit: hæc eadem præsidia, retento imperio, sibi adsciuit; atq; id effecit, vt nemo illi aduersari auderet, omnes parerent, omnes amarent. His artibus ille, & hostes reprimebat, & ciues in officio continebat, & inimicos, vt amici essent, efficiebat: Et ita in omnibus praesisset, vt tamen unus ex omnibus esse videretur. Hoc quoniā tibi Serenissime Rex contigit, quoniam easdem ipsas artes, ad gubernandum hoc Regnum attulisti; & tibi multum gratulamur, & nobis gaudemus, conditionemq; nostram laudamus, Deoq; gratias agimus, qui nobis, tantis tamq; præclaris virtutibus instructum Regem dederit.

dederit. Quod equidem ego à primo tuo in hoc Regnum ingressu, cùm semper sentirem, publiceq; apud omnes, & voce, & scriptis (atq; haud sciam, an non etiam vñq; ad inuidiam) testari solitus essem; Tum verò, ut nunc, hoc cum maiore fiducia, & animo præsentiore faciam, huius quem in consilium Serenitatis vestre adduco, Stanislai Orichovij Roxolani, viri, in hoc Regno, cùm ob nobilitatem, splendoremq; generis, tūm verò ob ingenij magnitudinem, eruditio-
nis copiam, & dicendi vim Demosteneam celeberrimi-
num, authoritas me confirmauit. Cūm enim, inter cæ-
tera eius scripta, quæ ille, vel excussa, atq; in publi-
cum data, vel domi pressa, amicisq; tantum communica-
ta reliquit, cum librum, in quo Regem Regno vti-
lem informat, ac quibus artibus regnum, apud Re-
gem Sigismundum Augustum, gubernandum fuerit,
differit, quemq; librū ille, Fidelem Subditum, siue De
institutione Regia inscripsit, reueluo; inueni planè o-
mnes illas virtutes, omnes illas artes, quibus Regem
optimum, instructum, ad gubernacula accedentem,
institutum, & instructum oportere ille voluit, in te,
Serenissime Rex Stephane, non solum lucere, verū
etiam elucere, contrāq; nullius eius vicij, quod Regem
vitare suadeat, ne vestigium quidem apprēdere. Vi-
quidem, dum Orichovius, quem animo conceperat
princi-

principem, quasi vero colore dicendi sua copia depingeret, natura, te talem conformare Regem voluisse, credam. Ut quod Orichovius verbis, illa re ipsa effingeret, optimi^q; Regis te viuum exemplum nobis proponeret: & idem illam, quam animo comprehensam egregij Regis Orichovius teneret; in te inclusam, & ad viuum expressam oculis nostris subiiceret. Quod si Orichovius hanc istam ideam optimi principis in te re ipsa cerneret; quantum exclamaret: quas ille Deo gratias ageret? quod, quam ille animo formam boni principis concepisset, re ipsa te talem Regem suum contueretur. Ac si illi de Regis officio deinceps differendum esset, te nobis exemplum eius, omnibus numeris absolutum, monstraret: ac neq; Xenophonem in suo Cyro eam formam optimi principis expressisse, quam in te reluceat expressa, diceret. Viuere Orichovi, viuere: non tibi nunc materia scribendi, non virtutes, resq; praeclaræ gestæ, tua illa diuina dicendi facultate celebrande, decesset. Solebat, Serenissime Rex, Orichovius, & virtutes insignes admirari, & vicia acerrimè impugnare, libere apud principes viros de officio cuiusq; & de Reipub. diserebat. Magnus hic vir libertatis Polonorum propagator erat, officijq; ab omni ordine diligens exactor. Quod cum alia eius scripta, tum vero hic, cum quo ad te

ad te Serenissime Rex venio, fidelis subditus (cui, ut facultatem apud te, sua explicanti consilia Regni huius gubernandi, ut soles, benignè pretestes, cum ipso Mæcenate rogo) clarè demonstrat: & equidem ab hoc multi de libertate Reipub. disputare liberiū didicerunt: in qua tuenda tamen Orichovius, modum tenendum esse voluit. Solebat enim ille, illud Poëtæ sèpè usurpare:

Est modus in rebus, sunt certi deniq; fines,

Quos citra, ultraque nequit consistere rectum.

Venit igitur illa & legittima, omnibus communis et par libertas ab eo defendebatur: non in uno ordine, non intra paucorum domos eam concludebat; totius Regni possessionem illi tribuebat: inter omnes omnium ordinum homines defusam esse volebat, quod quam verè dicam, fidelis hic subditus, quem ad te Serenissime Rex mitto, satis luculenter demonstrabit. Cuius fidelis subditi, si Maiestas tua consilia probauerit, secutāq; fuerit, & facultatem ei apud te de libertate nostra, de officio & Regis & subditorum differenti largita fuerit; & quis vir Orichovius fuerit, & quam libertatem defendenterit, qualem Regem esse cuperet, quæ officia ab omnibus omnium ordinum hominibus requirat, facile perspicies: magnumq; fructum inde referes, & maximam voluptatem inde capies; quod eam rationem, quā ille in suo Rege Augusto, gubernandi Regni huius, ex-

posceret, tua sponte ingressus fueris: hominique illi, qui omnibus, in omni genere consiliorum satisfaciebat, satisfeceris. Non dubito equidem Serenissime Rex, non defuturos, qui meum consilium huius edendi libri, Majestatiq; tuæ dicandi, reprehendant; studiumq; meum, & amorem ardente erga te, & perpetuam Maiestatis tuæ obseruantiam, ambitionem appellant: ea siquidem omnium meorum studiorum ratio est; ut nusquam illis æmula inuidia desit: me tamen hoc malum, quod toties calcaui, quodq; me ad maiora animo complectenda semper excitaret, nihil mouet. Amaui Orichovium me amantem, & scripta sua ad me, posteaquam ab errore, in quem lapsus fuit, ad Ecclesiam redierat, semper allegantem: incendor desiderio & amore Maiestatis vestræ, Domini mei clementissimi; & Orichovium igitur in tuum consilium venire, & te Serenissime Rex eius consilio uti cupiebam: propter ea, quæ in hoc fidelis subdito continentur, commoda. Nihil unquam Serenissime Rex prætermittam, quod vel commodis, vel ornamenti Sacrae Maiest. vestræ inseruire, vel ad salutem Reipu. libertatemq; veram tuendam, quam maiores mei, sanguine suo partam, mibi una cum cæteris parem, hæreditariamq; reliquerunt, pertinere videro. Neq; cuiusquam minas tam extimesco, ut ab officio meo, & ab ea obseruantia, quam Maiestati tuæ,

Regi

PRAEFATIO.

9

Regi meo debeam, discedam; & quem locum colendi,
obseruandi, & amandi tui, Regis mei, fidelis subditus
semel occupauai, deseram. Quod studium meum, amo-
remq; erga se, ut Maiestas vestra æqui & boni consu-
lat, Orichoriumq; nostrum, de Regni nostri nationibus
discentem, & quæ nitio libertatis nostræ in hoc Re-
gno ante te Regem fuerit, demonstrantem, ea beni-
gnitate, qua omnium bonorum consilia excipis,
audiias, etiam atq; etiam rogo; ac omnia
fausta Sacrae Maiestati vestræ, à
Deo patre misericordiarum,
cuius bonitate te Re-
gem habemus,
opto.

B 2

TETRA.

LIBER
T E T R A S T I C H O N
cuiusdam, ad Scriptorem.

Scriptor cur hæc non celas ? Quoniam esse fidelis
Cœpi. Cur olim non ? Sycophanta fui.
Vera logii puduit ? Magis ab mendacia profundit.
Præmia quæ ueri ? Furca, flagella, neces.

ANNO
IN FI-

IN FIDELEM SVBDITVM

S T A N I S L A I
ORICHOVII ROXOLANI
AD SIGISMUNDVM AVGUSTVM
POLONIAE REGEM

Præfatio.



V M IN RVSSIAM Tartari anni
cuncta modò influeret Scy- uersaria cala-
thia , metuque hostili con- mitas Rußiae.
uellerentur hīc apud nos o-
mnia ; re ipsa coactus, ad te
misi ea nominatim, quæ cō-
presso nomine dudum edi-
deram. Cūm enim propositi
anniuersario hosti in Russia essemus , adductus sum
aliquot ab hinc annis, partim fide erga te mea, par-
tim verò charitate patriæ ; vt tibi designato tūm Causa scribē-
di fidelis sub-
diti.
primū Regi ea proponerem , quibus tu patri suc-
cedens , vti posses pro salute nostra. Neque verò à
me id arroganter factum existimari debet, arrogan-
tiæ enim ibi locus non est , vbi ipsius authoris ratio
nulla est ; sed cūm in metu seruitutis & nos assiduè

versaremur, & tu propugnator Sarmatiæ designatus nobis es ; de summorum Philosophorum sententia ostenderam tibi, communī fidelis subditi nomine, qualem te Regem esse à pueritia conueniret ; si & Russiam seruitute liberare, & communem regni tui libertatem præstare velles ; vt hoc nomine nullam aliam gratiam abs te inirem, præter eam, quæ à bono Rege, subdito debetur fideli. Verùm enim uerò metus præsentis mali coëgit me, vt eadem mit terem ad te denuò, non iam communī, sed proprio meo nomine ; vt nomen ipsum admonereret te, quo loco, quantóque nunc simus in periculo. Es tu quidem ab auis, ac proauis Sarmatiæ Rex ; sed tamen pro generis ac nominis tui amplitudine, nullum aliud munus, neque maius omnino, neque te Rege dignius à tuis exspectabis ; quām vt ab iis certior fi as, cuiusmodi te Regem sibi velint esse : quid desiderent in te : quid requirant à te : quoué totum ve lint propendere te. Neque enim in eo posita sunt tibi omnia, quod Rex à Polonis appellatus es ; sed, quod secundum hoc nomen regnas, in eo summa est tibi rei : alterum enim horum, benevolentiae est subditorum tuorum; alterum verò virtutis atq; præstantiæ Regiæ. quæ quantò præ cæteris rebus omnibus excellentior est, tantò ad eam aditus expeditior

tior est iis, qui animo sunt excenso, ac vitiis libero. *Regnare bene*
 Quomodo enim quæso is, in quem tanquam in imā *Regis propri-*
voraginem cœtus vitiorum omnium concessit, Re-
gium tuebitur nomen? cùm in res plenas perturba- *Rex vitiis de-*
*tionum atque metus inciderit? aut quomodo rebus *ditus officio* is*
*dubiis consilio; desperatis verò præsenti animo, ad- *suo rtinequit.* is*
esse poterit heluo ac lurco? prius peste atque vasti-
tate cuncta interibunt; quàm his opem tulerit Rex,
diademate nomen Regium metiens, non virtute.
 Quòd si exemplis hoc, quàm sit verum, perspici debet; præsens calamitas nostra exempli satis est ad omnes tales casus. Afflicti sumus, ferro, atq; igni penè deleti. Oramus te cuncti, vt nobis adsis, nostrā-
 que calamitatem pro materia tibi oblatā putas esse; *Pericula Re-*
 in qua non tam nomen tuum, quàm virtutem tuam *gni materia*
 Regiam sentiamus. Est in te summa præstantissi- *sunt regiae vir-*
 maque dignitas: est genus Jagellonum inuictum, *tutis illustra-*
 ac victoriosum: sunt exempla patris viua atque recentia: fac quæso, animus quoque in te appareat,
 & patre, & genere, & isto loco dignus. quòd si qua in re ab his discrepaueris, parumne documento nobis erit, pessimè cum iis agi, quibus fato Reges nascuntur, atque casu fiunt? Atqui nos hæc tam enixe ideò ad te scribimus, quòd metuimus, ne captiu*Quid metuat*
 hinc in Scythiam abducamur postridiè. *scriptor.*

ciderit,



ciderit, satissime nobis erit ad consolandam seruitutem, quod tu Regis filius atque ipse Rex nos amiseris? Evidet non arbitror: virum libertas nostra requirit ut sit salua, non titulum Regis. Quare nunc ab iis, qui ex Russia captiui in Scythiam modò sunt ducti, quem accusent? cuius fidem implorent? de quo sublatis in cœlum manibus, eiulatu diurno atque nocturno querantur? De te vtiq; o Rex: quod te videlicet viuente Cracoviæ, illi miserè perierint in Russia. At quomodo perierint; sine lachrymis hoc dici non potest. Defendantem nemine, propugnante nemine, incensa sunt oppida: expugnatæ munitiones: capti, ac cæsi multi illustres viri: infantes iugulati: cæsæ anus: ante ora patrum violatæ puellæ: constupratæ ante virorum conspectum matronæ: abducta iuuentus: cum qua instrumentum, pecus atque labor omnis interiit rusticus: solus in agris atq; coloniis nostris multus habitat nunc horror atque mœror. Et nisi Ioannis Tharnovij imperatoris diuina atque incredibilis virtus obstitisset, Scythiamq; ferro atque igni graffantem represifset; amplissimam illam opulentissimamq; Russiam videres nūc totam in fauilla ac cinere. Verùm cùm Ioannes Tharnovius natus huic regno conseruando imperator, nihil ad celeritatem sibi reliqui fecisset,

set , quantumq; ex fuga potuit, militem collegisset,
 desperatis iam rebus nostris incredibili celeritate
 salutem attulit , Russiamque ex faucibus lethi ere-
 ptam , afflictam licet , tibi conseruauit , vt haberes
 quod curares , quoduoé restituueres. Quibus malis at *Quibus malis*
 que incommodis , vt quāmprimūm occurras, nón- *atq; incomodis*
 ne memor paternæ atq; auitæ virtutis , Cracouiam *quāmprimūm*
 illecebram adolescentiæ tuæ , quāmprimūm relin-
 ques ? & te in Russiam conferes ? vt eam restituas ,
 eiúsque reliquias conserues, quas tibi fecit reliquias
 hostile ferrum ? quod nescio, an tibi facile factu fu-
 erit , nisi talibus præceptis atque institutis Philoso- *Philosophie*
 phiæ abundaueris, quæ complent ac perficiunt ma *præcepta Regi* *necessaria*.
 gni regis mentem. Nisi enim ex huiusmodi præce-
 ptis conceperis robur animo ; & nisi te Regem esse
 quasi Philosophum quendam, non sub tecto sed sub
 dio habitantem , cum animo tuo statueris ; fletum
 hunc presentem ab oculis nostris nunquam absterges. Et quoniam tibi summis rebus occupato, ad ea
 in vestiganda tēpus deest, quæ in ipsius Philosophiæ
 recessu posita ad bene gubernandam Rempub. va-
 lent plurimū; dedimus operam, vt ea deprompta ad
 te in præceptis monitisq; mitteremus : si non om-
 nia , at præcipua certè quidem. Itaq; Fidelem Sub-
 ditum , natum domi nostræ annis ab hinc sex , co-
 piosio-

piosiorem aliquantò, quàm dudum, ad te cùm tali-
bus præceptis publicè mittimus: quem vt studio-
sè cumulatum reddam, addidi & alterum quasi pri-
oris comitem, ac penè germanum, quem defuncto
iam patre tuo nuper confeci tibi; quibus vtrisque

Libri duo fi- Philosophiæ ipsius præscripto, quasi circino quo-
delis subdit. dam circumscripta est tua omnis regia vita, rebus
vtique & exemplis ad nostram cōsuetudinem aptis.

Nec verò sum nescius, non defuturos Gnatones au-
licos, qui aucupū similes, voce ad simulata, vos Re-
ges captant, ac ita dicunt: Quid hic sibi vult moni-
tor odiosus Regum? qui is? aut vnde? Quibus ego

Voces aulicæ. respondeo: Principiò, vt interea medijs in delicijs
quiescant, ac ventri, & petulantiae suæ apud vos Re-
ges studeant, nobis verò molesti non sint; dum nos
te Regem nostrum veris ac fidelibus monitis ad sa-
ludem communem tutandam exhortamur: Deinde,
isti discant aliquando eam rationem Regum esse; vt
nemo illorū rectè possit imperare aliis, nisi ipse pri-
us parere rectè monentibus didicerit: Postremò, tu
inuitis hisce aulicis ita statues, Reges non debere
esse apum similes, quæ curatores suos pungunt, eo
præsertim tempore, quo cum regno ipsæ pereunt.
Proinde auertes te quidem à nomine nostro: quis
est enim filius Orichouij, vt fiat monitor Regis? sed

ea ta-

ea tamen , quæ deprompta tibi mittuntur ex ipsius Philosophiæ vestræ Regiæ penetralibus , sine qua vir bonus , ac sapiens Rex nemo potest esse , grato ac iucundo animo , à me fidi tuò subdito excipies ; non quia à me missa sunt ; sed quia præclaræ ac verè Regiæ videntur esse , suntque cognitione tua dignissima : eaque sic leges , ac ad salutem nostram accommodabis ; vt te aureum matris tuæ partū dicamus , nostræq; patriæ diuino munere tam necessario tempore natum iudicemus . Quorum alterum pertinet ad nominis tui gloriam sempiternam ; alterum vero ad leniendum mœrem ac luctum nostrū præsentem . Benè & feliciter valeat Maiestas tua .

Datum ex Zurouice paterno rure , die diuino
Michaëlis sacro . Anno Christi

Dei nostri 1549.

C. 2

FIDE,

FIDELIS SVBDITI
DE INSTITUTIONE
REGIA
LIBER PRIMUS.



VI PRINCIPES MONENT
 ô Rex, duas res aduersas timent;
 odium, & contemptum. Nam ne-
 que monitorem fert fortuna, ne-
 que rationem Rex. Hoc ego me-
 tuens obmisi nomen, ne & odio a-
 licuius monstraret iter, & ob hoc in scripto autho-
 ritas esset minor. Subditum me tuum profiteor:
 quo, testor Deum, non est fidelior alter. Habes
 causam prætermissi nominis. Nunc quid, & cur ad
 te scribam, accipe. Scisnē tu, quis es tu? Rex. Re-
 gis igitur tu, regor ego: sapientior ergo tu, quàm
 ego. Quòd si tu sapiens; liber, diues, felix ego:
 quòd si tu desipias; seruus, vagus, exul ego. Nemo
 igitur delicto tuo miser, nisi ego. Ergo iam vides,
 licere mihi, dum adhuc integer sum, tuam implo-
 rare

rare fidem; vt dum licet, discas, quo pacto mihi periculoso hoc tempore, patriam, leges, libertatemque conserues. Et quoniam ad multa tibi obstat ætas, adducor fide, vt ea quæ noceant, admoneam pura & fideli oratione: neq; enim aliam noui (quam, caue contemnas) quod omnis monitor, interpres Dei est, vt eius lege viuas: quod si hunc contemnis, caue, ne tibi Deus pro monitore parasitum mitat, cum mendaci spiritu, qui te decipiat. Quam obrem, quod maioris imperij Rex es, eò curare te impensius æquum est; vt consilia recta iam nunc iniuncta habeas, quibus tot populos conserues. In quo te iuuare possunt hi, qui te amant, & tua salute suam contineri putant; è quorum numero ego unus sum, vt mox hoc indicabit scriptum, quod iam tibi hisce libris proponam. Quorum primus incuntem Regiam tuam ætatem, alter verò regnantem te totum complectitur. Et quoniam omnis administratio Reipub. diuiditur in Regem, & Senatum: hisque duobus mandatur custodibus: de vtroque dicam; ita tamen, vt prius te tanquam caput inspiciamus, deinde Senatum. Hoc igitur ante omnia scito, non quemuis imperio esse aptum, sed tantum hominem veri atque iusti natura cupidum. Sed hoc non satis est, nisi etiam accedat doctrina, quæ hunc

*Parvus et
monitor
propositi*

*Veros monitor
res non ferent
tibus, parasiti
dantur.*

*Summa libro
rum.*

*Qui imperio
apti.*

ipsum hominem quid verum, quid iustum sit, eruditat. Ut enim ager, etiamsi natura fertilis sit, sine cultura tamen sterilis erit; sic hominum natura, quantumvis excellat, nisi accedat doctrina, nihil edit laude dignum. Quare non sunt tibi audiendi iij, qui te à studio earum artium abducunt, sine quibus omnis vita barbara est, & inutilis, cùm in omni procuratione, tūm verò vel maximè in administratione ciuili. Cùm enim in minimis artibus nemo opus facit, nisi is, qui didicerit; dic quæso, cùm omnium difficilimum sit gubernare regnum, quod opus in eo tu facies Rege dignū, nisi didiceris? quomodo iustos, honestos, ac conuenientes, efficies ciues tuos; si neque iusti, neque honesti, neque pacis rationes vñquam cognoueris? non traduntur hæc, mihi crede, risu & cachinno aulico: sed inde petuntur, vnde olim sanctissimus pater petebat tu-

Rex regnandi peritus esse debet.

Præceptor Si gismundi patris.

us, qui viro docto, ac sancto Dlugosio traditus puer, non prius discebat, quo fræno coërceretur e-
quis, quām quo ipse cupiditates refrænaret suas;
ab hoc ille didicit timere Deum, amare suos, Repub. regere, vnire ciues, tueri fines, belli & pacis tempus nosse. Quibus cognitis, labore deinde & metu excitata virtus summi illius viri, in solio paterno atq; aucto consedit. Habes exemplum domesticum,

cum , à quo tibi discedere turpisimum fuerit. Ac-
 cipe nunc externum , non minus ætati , quām di-
 gnitati tuæ aptum. Alexander Magnus, cū id æ-
 tatis esset, iam Thebas euerterat, ex ludo atque di-
 sciplina Aristotelis progressus : & vt multa in pau-
 ca conferam, vna erat viuendi norma proposita his
 omnibus , quorum est eritque semper æterna me-
 moria , quam Phoenix ille Homericus proponit A-
Phoenix Homericus.
 chilli , qui se dicit ideo missum esse à Pelœo patre ,
 vt illum sapere prius, deinde facere doceat : ab hac
 norma qui discesserunt, perniciosi suis Reges fue-
 runt. Quæ enim alia vis Dionysium Tyrannum in
 Sicilia , quæ Boleslaum in Polonia, quæ Claudium
 Romæ, quæ Neroneum, & breuiter, omnes tām Græ-
 cos, quām Latinos, atque Barbaros Tyrannos effe-
 cit , nisi mens bonis præceptis vacua ? Iam verò ,
 quibus voluptas pro crudelitate placuit , vt Sarda-
 napalus ille Assyrius , Heliogabalus Romanus, Al-
 cibiades Græcus , spretis literis & earum doctori-
 bus, vixerunt cum impuris parasitorum & sycophā-
 tarum gregibus, cum iis, qui conuiuum de die ap-
 parare , scortum cum fide adducere , canere , psal-
 lere , risus tempestiuos mouere , nugari , blandiri ,
 mentiri , laudare malos , reprehendere bonos , no-
 xant : apud quos erat virtus vitium : pudor pro stu-
 pore :

*Exempla Ty-
rannorum.*

*Molles Reges
inepti regen-
do.*

Deprauatorū pore: continentia pro stultitia: frugalitas hábeba-
Regum studi tur pro auaritia. Sic omni choro virtutum ex ani-
um.

mis horum quos commemoraui exploso, fēmotis
 etiam fidelibus mentium nostrarum custodibus, ra-
 tione, & doctrina; amor, luxus, desidia, atque iner-
 tia, in locum virtutum ingressa, eò amentiæ istos

Sardanapalus. perduxerat; vt Sardanapalus inter ancillas neret:
Heliogabalus. Heliogabalus ex scortis exercitum instrueret: Al-
cibiades. cibiades verò pudicitiam vltro prostitueret. & ta-
 men cùm ita viuerent, mirè placebant parasitis:

qui maximo cum aplausu illorum, insolentiam vo-
 cabant disciplinam: licentiam verò libertatem: in-
 temperantiā honestatem: audaciam postremò ip-
 sam fortitudinem. Vides iam optimè Rex, vt ali-
 quando ad te redeam, & illos crudeles, & istos vo-
 luptarios principes tales in imperio fuisse, qualis il-
 lorum educatio præcesserat. Simul & illud iam tibi

Regis educa-
tio quid affe-
rat. notum est, id quòd memoria tenere debes, sine bonis
 præceptis, & honestis institutis, virum bonum
 esse non posse; multò minus Regem: & tamen ad-
 huc dici audio, idqué à tuis, Regem te esse debe-
 re, non monachum; & ideo minimè tibi opus es-
 se litteris. Proch sancte Iupiter, Monachum sapi-
 entiorem esse debere, quàm Regem! An in Regno

tuo sapientior erit is, qui in angulo cum uno atque
 altero

Corruptæ vo-
ces.

altero monacho finget & refinget otiosos syllogismos, quām tu, cui tot ac tantæ res curæ sunt? Senatum inquiunt prudentem esse sufficit: hoc idem est, ac si quis dicat: Nauclerus sanè infaniat, modò vēctor sapiat: sed non est ita, non est, ô Rex, occlude aures: caue credas: Syrinum hic cantus est: necesse enim est ibi languere opus, ybi imprudens est princeps operis. Eryngium herbam esse ferunt, quam cùm è caprarum grege vna in os acceperit, ipsa primum sola, quæ accipit sistitur, deinde reliquus capraru grex fit immobilis: nec prius mouetur, quām caprarius ex ore capræ herbam exemerit. Ad eum modum necesse est omnem industriam atq; impe-
 tum recti concilij remorari principis inscitia. Sed dices: fatis iam admonitionis, iam Doctores profer. Et si tibi, Regi præsertim, facilis sit hæc inquisitio, quòd omnes bonos nosse deberes; tamen quoniam coepi, ne hæc quidem prætermittam. Habes tu in tuo regno, si quispiam alter, ad omne Reipub. mu-
 nus viros idoneos; sed nescio quomodo otium ma-
 lunt quām negotium: ego autem ex omnibus pro-
 ducam duos, industria, doctrina in tuo regno mini-
 mè secundos, Stanislaum Hosium, & Martinū Cro-
 merum, quorum opera hoc es asseditus, vt exteris
 nationibus literas iam nosse videamus: quos, si

Sapienti Se-
natu sapienti-
or sit Rex.

¶

Hofius
Cronica

In Polonia esse
riros pruden-
tes qui Regi à
consilijs sint.

D

tibi

tibi adhibueris comites, & si cum his frequens fueris, non erit cur aut Alexandro Aristotelem præceptorem, aut Dioni Platonem inuidas: ijsdem tu præceptis, quibus olim illi, istorum opera facilè & citò excelles. Sed de institutione satis, & fortasse ultra modum etiam; verùm fides, & amor, solent carere modo. proinde ignoscet, & nunc cætera beni-

Familiares Re gne & attente audias. Proximū est videre, cum
gj quales esse quibus viuas: sed scrupulosus hic & angustus locus
debeant.

est. Nam si quis à me quærat vnum è multis, quid mihi videatur familia tua? respondebo, honestissimam, & plane regiam mihi videri. At si quis morosus Theologus, vt Clepars, quærat: Heus tu, nosti conuictores Regios? noui, quid? omnes isti sunt Regis conuictu digni? Hærebo: & si vrgebit, respondebo: Non omnes. Qui igitur ibi indigni Reges dicam, qui semper laudat Regem. Qui illo digni? qui aliquando reprehendunt Regem. Cur? quia Rex

Familiares de iuuenis; errare, falli, decipi potest. Cum his ergò vi-
prauati cor- uendum Regi, qui reprehensione corrigunt Re-
rumpunt Re- gem, non qui laude errantem Regem confirmant.
ges.

Sic ego Theologo isti eius supercilium intuens responderem, multorum Regum admonitus exemplis, qui blandis hominibus versutis & callidis cùm connuerent, turpisimi fuerunt. Quid enim Ptole-

mæum

mæxum Regem aliud in scena tibia canere coëgit? Quid Neronem orbis terræ principem scenico apparatu larua & coturno induit? nisi adulatorum laus: cùm cantus illorum Apolline digni, conuiuia Bacho, palestra Hercule, ab adulatoribus digna vocaretur. Quare non est quod in omni vita aliud magis fugias, quam adulatorem: hic enim solus dementat Reges, & quasi Circæo poculo, in quas vult, illos mutat formas. Hocq; ille in primis assedit, reprehendendis studijs virtutum, ut si verbi gratia, temperantem te videat, protinus clamat rusticam hanc esse vitam: cōuiuio est opus: sine pueris, & choro, & symphonia ignobilem esse Regem. Allegabit etiam exempla, se vidisse, hunc & illū Regem, sine cantore, & tibia, & choro, nunquam cœnasse: is idē excogitabit tibi vestes, inueniet vnguentia, instruet balnea: apud hunc & illum senatorem quæret tibi conuiuia, laudabit saltus, incessus, equos tuos iurabit ne in stabulo quidem Turcico meliores. At si quis nunciet fines vastatos; extenuabit mox acceptam cladem: tibi, inquiet, adhuc satis regni est: deinde, si ipse omnia cures, nō Rex eris, sed subdito miserior. Ad eundem modū, si quis vir bonus, & amans patriæ, aliquid commissum contra ius, aut non legittimè abs te factum, admoneat; nō

Adulatores
recte monitis
obstant.

fert libertatem hanc adulator; sed extemplo contra monitorem profert illum Tyrannorum laqueū, crimen Maiestatis læsæ: in pectore Regis, dicet, conditum esse ius: Regem nullo iureiurando teneri: & ab hoc qui dissentiat, Maiestatis esse reum. His atq; talibus artibus ille omnes tibi honesti excutiet rationes, & te falsis laudibus, tanquam quibusdam clauibus, partim ad inanissimas res, partim verò ad pernicioſissimas affiget; vt te hac via sensim, aut Boleslaum reddat crudelem, aut mollem Sardanapalum. Quod ne tibi contingat, non cum quibusuis viues: hosq; abs te segregabis, quos dicam loquaces, delatores, nugaces, & laudatores tuos; omnes isti corui sunt tui, & his multò deteriores; illi enim mortuis, isti verò tibi viuo insidiantur. Consequens

Adulatores
corui.

Locus habita etiam est, vt inspiciamus locum, in quo habites, de
tionis Regis. quo quidem facilis est sermo, cùm hoc constet, non cuiuis arti quemvis conuenire locum: fænerator vrbem quærit: causidicus forum: arator agrum: tibi quoq;, quem summum artificem in Repub. statuimus, pro ratione artis tuæ locus diligendus est. Tu custos regni es, sic enim suprà posuimus: custodi verò locus, non intra, sed extra eas res, quas custodit, est attributus. vt generosus canis, non intra ouile, sed extra cubat, quò facilius sentiat lupos, perse-
quatur,

quatur, & arceat: contrà segnis & degener, latitat post oues, & interdum in sinum turpiter refugit pa-
storis. Patiare hoc loco quæfo salutis communis
causa liberius quæ sentio monere. Tu Cracouiae a-
dolescentiam teris, in vrbe præclara, & illustri fate-
or; sic enim est; nulla tamen cum tua laude. Est ea
vrbs tota in otio posita, & plane in penetralibus re- *Cracouia.*
gni sita, in qua nullum habere potes virtutis osten-
dendæ campum. Commodè quidem hic viues, non
minus quàm olim Ludouicus Budæ; sed non ma-
iorem etiam autoritatem apud tuos habebis,
quàm olim habuit Ludouicus Budæ, qui Mascha-
ris illis suis omnem spem suorum de se extinxerat.
Cùm enim risum quærat Maschara; quid quæso
tam ridiculum est, quàm est ex Rege mimus? *Maschara.* Tu ve-
rò esto vir robustus, fortis, & inuictus Sarmata: &
relictis Mascharis, aut Gallis, aut mollibus Italis,
censeo, vt te in Gymnasium veræ virtutis in Russi-
am totum transferas, ex qua re hoc capies com-
modi. Primùm viues in labore & metu, hoc est, vi-
ues cum optimis adolescentiæ duobus magistris,
qui primū varijs modis exercebunt te; postea pru-
dentia, & consilio imbuent te: tum verò hæc eadem
res, subditos tibi coniungeret, & te omnibus amabi-
lem efficiet, cùm viderint te suum Regem, non
Russia.

in puellarum coetu, neq; in materno sinu domi late-
re ; sed pro sua salute in ostico excubare : putabunt
sibi tunc reuixisse Iagellonem proauum, Casimirum
auum, Sigismundum etiam patrem tuum repubuif-
Fauor subdi-
torum Regi se ; cum in tua indole , verissimam illorū imaginem
virtutis expressam agnouerint. Hæc meditere ô
necessarius. Rex: istos cogita:hos imitere. Quod si feceris, facile
te eximes ex obtrectatorum ore , falso fortasse , sed
tamen assiduo ; & te efficies laudabilem, non luxu-
riosæ iuuentuti, neq; impudenti parasitorum gregi,
sed auctis gentibus & in primis regno tuo. Habes
cum quibus viuas : & vbi degas. Nunc quoniā o-
mnis tua vita singularis non est, neque priuata ; sed
communis atq; publica ; initio tibi constituendum
est, vt eorum benevolentiam summo studio tibi ad-
iungas, quorum hominum Rex es: quæ præsidio so-
la regibus est: & sine qua, infirmum, incertumq; est,
quicquid in Regū opibus est. Porrò quoniā Eque-
ster ordo firmamentū regni tui est; hūc tu tibi omni
ratione iungas censeo , id quod duabus potissimū
rebus assequeris. Vna , si nihil tuū in regno tuo esse
dicas, sed cuncta Reipub. adscribas, & te Regē esse
fateare, quasi quendam custodem: porrò, custos ni-
hil habet in his rebus suis , quas custodit , alioquin
eius ipsius rei non custos erit , sed dominus : eo pa-
cto, &

cto, & auaritiæ suspicionem effugies, & spe liberalitatis tuæ, omnes ad amandum te allicies. Altera vero res est, quæ ad conciliandam benevolentiam equitum plurimum valet, si eos, quos bellis gerendis idoneos, ordinibusq; ducendis aptos, & quos milites aduersus excursiones hostiū excubantes, principes sui ordinis esse duxerint, clementia tua complexus fueris; industriamq; eorum, studiumq; & de te, & de salute regni bene merendi, muneribus & honoribus debitiss exornaueris; industriam amaueris; ignauiam, mollesq; animos neglexeris; paci & quietis rebus studentes, in consilium allegereris; principes seditionis forum comprefferis, proculq; à consiliis de Repub. amoueris. Sed & illud sedulo curabis, ne aut conquirendis possessionibus pro Rege vicinus sis subditis, aut contemptis bonis & fortibus viris, ipse charus sis nulli. Quomodo regnum Ratio regni defendas, difficilis semper fuit habita ratio. peccu- tuendi, ex iuuenientiæ exercendæ. collata, illud deffendi quibusdam non placuit, partim quod frequentibus tributis regnum iam exhausimus, partim vero, quod iuuentus ex hac ratione otium nausta, omni in luxu defluit, quam corrigerre, & vtilem regno efficere, facile non est, nisi prius mutetur abs te tota defensionis ratio. Et si ex me scire vis, quæ ratio mihi placeat, dicam, quæ olim placuerat

placuerat sapientibus. Vniuersa Respub. nostra in decem & duos Palatinatus(ni fallor) est distributa: ex his si ita partes facias, ut pro ratione temporis hoc anno militent, verbi gratia Palatinatus tres, altero totidem, & sic deinceps; commodissimè hoc modo Rempub. defendes: nam contra maiorem vim parata est tibi generalis expeditio. Talis militia, vide, quanta bona nobis adferat: primò, requiescent à tributo coloni: deinde necessitate militandi, iuuens auocata à luxu, assuescet labori, & condiscet oneri: horum præterea patres, cum quadam æmulatione curabunt diligentius equos, arma, conquirant currus, & reliquum belli instrumentum semper domi paratum habebunt, cùm certo sciuerint, post tertium quemq; aut quartum annum circulo ad se redire bellum: nunc autem, quām frigeant apud eos omnia, tacebo, ne & meos tangam. Sapienter hoc illi videbant veteres Græci, qui hac sola ratione, & luxum de Repub. tollebant, & hostem ab illa arcebant. Dixi quod sciui, tu sequitor meliora, si hæc nō placebunt. Tu ergo Rempub. hunc in modum, & bello, & pace reges. Sed quoniam omne regnum tuum in belli, & pacis rationes distribuitur, quorū vtrumq; certis legibus in nostra Repub. tibi est circumscriptum; non abs re quæri videtur, cùm in tuo regno

Lege et Rege.

regno, hæc duo sint præcipua Lex , & Rex , vtrum Comparatio
legis cum Re-
ge.
 horum altero sit maius : vt omni errore sublato, in-
 tra fines officij tui certus confitas. Si enim audia-
 mus Romanos Iurisconsultos, hoc est , Tyrannorū
 parasitos ; sine dubio omnia summa in regno tri-
 buemus Regi. Nam & iustitiam ipsam vtilitate Re-
 gis definiemus, & legem ipsius dicemus esse placi-
 tum: nunquam rogabimus Regem, quare ? nunquā
 iusurandū erranti proferemus: ipsum postremò fa-
 tebimur, vitæ necisq; nostræ dominum. & hæc, quò
 certiora sint Regi, communierunt illi crimine Ma-
 iestatis læsæ. At nos non in Neronis regno nati, sed
 in Sigismundi editi patria , ita à maioribus nostris
 edocti sumus; vt sciamus Regem deligi propter re-
 gnū, non regnum constitui propter Regem. Ex qua
 ratione multò nobilius atq; dignius regnum arbi-
 tramur esse Rege. Lex verò, cùm anima sit & mens
regni, ideo potior est proculdubio regno, & con-
 sequenter Rege. Maior ergo erit lex, quam Rex, &
 melior, & longè illo nobilior. Quid ergo est lex, ego
 dicam: Lex ipsa princeps liberi regni est, vt iam do-
 cui, sed muta, cœca, & surda: ob quam causam eti-
 am vnus homo deligitur , quem Regem vocamus,
 qui lingua, oculus, auris sit legis. Quod si lex audire,
 videre, loqui posset ; nulla gens deligeret Regem ;

E

ipsa

ipsa enim lex præciperet quid opus esset factò ; sed
 cùm hoc non potest, interpretem habet Regem. Si
 quis ergò Trebonianus, aut aliquis ex seruitute Ro-
 manarum Vlpianus tibi blandiens , te summum in tuo
 regno esse dicat ; negato : legem in tua patria re-
 gnare dico , non hominem. Tu igitur quis es , si
 quærat, sic responde piè , & verè : Rex ego sum: hoc
est, lingua, oculus, auris legis: & breuiter, interpres
 legis; ita vt etiam iureirando obstrinxerim fidem
 regno, ne aliud loquar, quàm quod vult lex. Talis
 responsio, vt vera erit , ita præclara atq; magnifica,
 & digna Casimiri Magni successore. Hic enim no-
 bis primus sanctissimas & iustissimas leges dedit,
 quas omnes , illis exceptis impijs, de homicidio, te
 venerari æquum est, & ab illis ne transuersum qui-
 dem vnguem discedere. Cùm enim lex sit donum
 Dei , vlciscitur Deus violatores sui munera , cæde,
 seditione, exilio, hoste, vastitate, seruitute : transfert
 postremò regnum de gente in gentem ob violatas
 leges. multa possem tibi exempla proferre, tam no-
 ua quàm vetera , quibus liquet miserabiles semper
 fuisse Tyrannorum exitus , id quod etiam disticho
 notatum est,

*Institutio arx
Regum.*

*Institutio & pietas valide sunt principis arces,
Nulla Tyrannorum vis diurna fuit.*

Sed

Sed cùm ad alia propero, & tuæ facietati occurro,
ideo hæc omittam, & illud cōcludam. Si legem ipse
tibi in regno veluti alterū Regem præfeceris, beatum
quoq; faciet te Deus, & regnum tuum, quòd
te voluntati ipsius vltro totum subieceris. At si hunc
ordinem mutaueris, & te dominum legis constitue-
ris ; mutabit etiam dominus regnum tuū, & tradet
illud aut hosti, aut seruo tuo. Tot erant admonendi
tui forte capita: nam illa, quæ cum multis videban-
tur tibi esse communia, prætermisi : neq. enim nos
te, vt priuatum aliquem hominem admonuimus ;
sed vt Regem, cuius omnis vita, cùm referatur ad
regnum, earum rerum tantùm capita posuimus, sine
quibus Rex vtilis regno esse non potest : trita verò
& vulgaria vt dixi reiecimus. Nam si te, verbi gra-
tia, admonerem, quo pacto cum vxore, quam ducis,
viuas, sic monerem: Suauorem quidem nullum esse
comitem; diligenter tamen cauendum præciparem,
ne illa suavitate sua ita influat in tuum animum, vt
aut omnem curam regni aboleat ex animo tuo, aut
totam in se transferat : hoc ego si ita te monerem,
neq; tu, neq; quisquam alter magnopere attende-
ret ; omnibus enim maritis generaliter hoc à sapi-
entibus præcipitur, ne quid aliud mulieris ingenio
permittant, præter domus curam. Ideo hæc atq; his

similia prætermisi : his tantum contentus fui , quæ tibi soli erant propria. Proinde nemo me neq; negligentiæ, neq; imprudentiæ iure damnabit , quod multa sciens obmisi. Hac ego prima parte suscepti negotij hunc in modum constituta , iam aggrediar secundam.

Secunda pars de Senatu.

*Tyranni et
Regis compa-
ratio.*



E Senatu hoc in summa scito , non alia re dignosci bonū Regem à Tyranno, nisi conditione senatus ; nam & tuetur suos Tyrannus ut Rex , & iustè interdum decernit , & aliquando suis ignoscit ; at senatus nunquam similis est Regi. Etenim Tyrannus senatum aut non habet, aut si habet, ex hominibus nequam collectum habet. Cùm enim ad suam ipsius utilitatem cunctam Rempub. referat, cauet diligenter, ne quis illi obstet. Et si quando socios non tuendæ sed perdendæ Reipub. legit, in primis curat, ne quis horum sit aut lingua aut sententia liber. Diligenter enim cauet, ne quo casu homines, genere, doctrina, virtute illustres in sua tyrannide crescant ; sed tum beatū se esse putat, cùm viros fortes, magnanimos, prudentes,

dentes, doctos, & diuites, è dominatu suo extermi-
nauerit. Contrà verò Rex, quoniam nō sua, sed suo-
rum causa, princeps in Repub. constituitur; vt eò
plus profit regno, asciscit sibi socium optimum, &
præstantissimum quemq; cuius autoritatem me-
tuat, cuius consilio pareat, sententia verò Rempub.
bello & pace conseruet: ob quam etiam causam, in-
geniosos & doctos colit, quòd eorum opera scit se
habitatum viros Reipub. idoneos, sine quibus nul-
li hominum cœtus, neq; vlla Respub. diu stare po-
test. Quod cùm ita sit, summam curam in deligen-
do senatu adhibebis, vt ex delecto tuo consilio, Re-
gem verum te esse, non Tyrannum, omnes homi-
nes facilè intelligent. Auaro, caue vllam partem
regni committas: quod etiam sacræ literæ vetent,
aliquid credendum esse auaro. Et Paulus Apostolus:
Radix, inquit, omnium vitiorum auaritia est. Huic
vitio proxima est luxuria, quæ nisi esset, auaros nul-
los haberemus; necesse enim est eum aliena appe-
tere, qui sua profundit. Hinc nascuntur in Repub.
doli, fraudes, prodiciones, rapinæ, dissensiones, ac
tenuiorū oppressio. Quare vt ab hoc malo regnum
tuum liberes; homines frugi, temperantes, in sena-
tum legitò, qui contenti sint suo, & si ita necesse sit,
paruo. Hominem etiam obscurò aut notato patre
Senatus qua-
lis esse debet.

ortum, non admittunt ad Rempub. sapientes, quod, ut magnus thesaurus libertatis est liberis virtus parentis; ita contrà seruilem reddit filium ignobilis vita patris. Tu verò vt splendidum consilium habeas, viros illustres, & clarissimis parentibus ortos, quantum potes deliges, partim quòd veluti columnæ quædam regni tui sint, partim verò, quòd longo

Autoritas fa-
miliarum re-
tuistarum.

seculorum tractu regnicolæ cæteri, harum familia-
rum authoritati iam parere didicerunt. Id quod tu
assiduè experiris, nō idem valere in tuo regno cæ-
terorū, ut valet Tarnouski, ac Kmithæ, Thaczynski,
& aliorum similiū nomen. Sed illud tamen fac me-
mineris, honores virtutis, non generis esse premiū:
vt si quis Kmitha sit huic clarissimo & magno Pa-
latinô dissimilis lurco, ganeo, heluo nepos; sit verò
quispiam Grzibouski vita & moribus huic contra-
rius, & plane vir bonus; tu hunc verū Kmitham esse

zj b. m. f.

Degeneres ne
gligendi.

putabis, illum verò nebulonem, fuste à tua Repub.
arcebîs; hoc enim hominū genus triplex ad Rem-
pub. non admittunt sapientes. Cùm ergo legitti-
mus senatus tantum in regno possit, vt in manu ipsi-
us plane salus sit regni; nihil te ita oportet curare,

Concordia se
natus.

quām vt sit conueniens: neq; enim alia res est, quæ
citius dissoluat Rempub. quām discordia senatus.

Dissensione siquidem Cæsarîs & Pompeij periit Ro-

ma: in-

ma: intestinis etiam odiis Senatus , Vngaria nuper funditus interiit. Hic casus etiā nobis pertimescendus est : nam & nos occultis ardemus odiis, de quibus antequam dicam , petam à senatoribus nostris hanc veniam , vt mihi liberè vera loqui apud te liecat ; cogor enim charitate patriæ, & fide in te Regem meum singulari, quem video gubernacula regni firmiter tenere nō posse in summa quorundam discordia ; cùm aduersa factio senatus soleat incertum reddere animum Regis : quæ res tolerabilior vbiq; esset, si inferioris ordinis viros exagitaret ; sed cùm versetur inter principes, ferendum tibi nō est, præsertim cùm eò iam processerit odium ; vt etiam viuo patre tuo, nihil aliud quidam cogitent, quām quomodo dignitate alter spoliet alterū , & quo pacto damno , iniuria, contumelia , infamia , adficiat pars altera addictos parti alteri. Hunc in vsum seruantur mille causidici , rabulæ mille ; ita vt si non nullos accedas , inuenias eos causidicorum cinctos corona consultantium , quomodo hic citandus est, quomodo iste eludendus , qua ratione iste è regno pellendus aut notandus. Ego neminem hoc in loco nomino , tantum erroris admoneo. Proinde nemo mihi irascetur, nisi prius de se cōfiteatur. Quis enim est tam ferreus, qui hoc ferat ? homines authorita-

tis sum-

*Discordia
Odium. Diffin-
itio. Sicut*

tis summæ relicta Repub. in tam periculoſo tempo-
re nihil cogitare, niſi perlapsus, citationes, niſi ban-
nitiones, niſi ministeriales, & triplicata vadia? Quis
autem ex his moribus ſi durabūt aliud ſperet, quām
certiſſimum regni tui interitū? quod ſi tu negligis,
& ſi dies atq; noctes parentem tuū ſapientiſſimum
Regem non ſollicitas, placatos & conuenientes fe-
natores tibi vt relinquit; aut regnabis male, aut
omniō non regnabis: momento temporis hæc o-
mnia peribunt, quæ tibi relinquet pater, principū
diſcordia. Tollendi verò huius mutui odij & diſfen-

Difſentientis fionis vnam eſſe cauſam à prudētibus audiui, quam
ſenatus incō- h̄ic ponam. Meum, & tuum, ſunt duo omnis diſcor-
moda. diæ ciuilis fontes, ex quibus promanant, & pro-
forensis ciuitatis fluunt lites & controuersiæ forenſes: ex hiſ deinde
naſcuntur odia: ex odiiſ fiunt poſtea ſeditiones: fe-
ditionem verò certus regni conſequitur finis. Vt er-
go ſit tuum regnum ſaluū, meum & tuum non ver-
ſetur inter ſenatores tuos: non diſceptent de illo,
neq; iudicent; ad alios hæc relegentur iudices. Sint
ſenatores regni patres, liberi ab odio, conuenien-
tes, non controuersi. Habeant animum, non ob-
fuscatum malevolentia, non impeditum odio, non
coecum inuidia; vt pura & syncera mente, quod
noceat, quidue profit regno, certius videant. Quod
fieri

fieri non potest, quām diu priuatarum rerum ipsi
fuerint iudices. Atq; vtinam aliquando illa præte-
torum comitiorum valeat apud te sententia, quæ
censuit constituendum esse iudicium in regno ex *Iudicia tribu-*
nalia. *foras.*
delectis iudicibus, ad quos omnes controuersiæ re-
rum priuatarum deferantur: & vt ab ijs nulla sit
prouocatio; sed illorum iudicio stetur, quidquid
decernerent. nihil mea sententia neque sapientius
neq; utilius, neq; quod ad salutem huius regni ma-
gis pertineat, potuit decerni. Hoc enim modo vixit
olim saluis rebus Græcia, quæ ex primoribus ciu-
titibus delectos viros habuit, omnium controuer-
siarum suarum iudices, *quos Græci Amphictiones*
vocant. Quem deinde morem sequuta Roma, ad
hunc eundem modum publicum constituit iudici-
um, *quod Rotam appellant.* Et quoniam hæc iu-
dicia non tantum iustitiæ inter ciues, sed etiam pa-
cis & concordiæ videbantur esse causæ; ideo &
Rotam
apud Romam
Parlam.
apud Ger.
Kammerrech.
Germania
Gallia Parlamentū suum, ad hanc formam consti-
tuit, authoritate tanta, vt etiam Regem ipsum illi
iudicio in priuatis causis subiiceret: & Germania
quoq; non dissimili ratione vnum iudicium esse in
cuncto imperio suo voluit, cuius authoritati pare-
ret, *quod vulgo Germani vocant Kammerrecht.*
Cùm ergo habeamus tot exempla retinendæ pacis,

& concordiae communis, & cum hoc etiam ipsum
in comitiis flagitari videoas, causa non est ; cur non
summo studio agas cum patre, ut pro sua sapientia,
& pro salute huius Reipub. quam ille per triginta &
sex annos felicissime gessit, constitutat hoc tale iudi-
cium, quod tuo regno pacem, tranquillitatem, atq;
otium adferat ; ut & senatores tui Rempub. dili-
gentius curent, & adempta illis de meo & tuo po-
testate iudicandi, in mutua charitate, atq; benevol-
entia viuant. Præfectos prouinciarum, quos Capi-
taneos vocant, diligentius obserues censeo : eo e-
nimir processit quorundam insolentia ; ut nihil aliud
interim dicam, ut seruitus in quibusdam prouinciis
non sit expectanda maior. Non solus est crede mihi
in tuo regno N. multi sunt tales & deteriores illò,
qui subditos tuos non pecuniis, neq; Marduris aut
vulpis pelle, id quod N. fecit, sed villis, agris, pratis
atq; siluis priuauerunt. Aperi modò aures, & arri-
ge, miserabiles vndiq; fletus & gemitus tuorum au-
dies, quorum ita oppressa est libertas quorundam
potentia ; ut Regi suo calamitatem suam conquæri
non audeant. Qui si quando querantur, domū re-
uersi miseris affliguntur modis : illicò enim præstò
adest mors, & terror subditorum tuorum, causidi-
cus; qui præfecti instinctu commentatur citationes,

qui

Capitanei
quid faciant.

*libri plurimi
fol. 60.*

Libertatis ex
empla.

qui perlucra numerat , & perlucrorum nomine do-
lo partorū omnibus bonis me exturbat; quid? mox
ex mea villa bona fiunt regalia , & ager meus rapi-
tur , pecus abigitur , & mihi bonorum interdicitur
vſus. Taceo minas & contumelias ingentes , ita vt
optabilior sit quæuis seruitus Turcica. Quæ res ,
quàm in libero regno non sit ferenda , vides : ma-
le enim cogitantes de Repub. facit ciues. Quocir-
ca, vt hac seruitute regnum tuum liberes, advitali-
tates quas vocant nemini dederis; nam istarum spe
multi insolescunt: deinde id, quod nuper iustissimè
factum est in homine teterrimo & rapacissimo, N.
quòd inquisitores in eum sint missi: tales inquisito-
res sint perpetui velim, viri graues & fideles, qui
prouincialium iniurias ad te deferant, vt metu iusti-
tiæ tuæ, contineatur quorundā iniquitas. Ad hunc
igitur tu modum eliges & corriges senatum , præ-
fectosq; cohercebis. Sed quoniam in tuo consilio
sanc̄tissimi etiam sedent Episcopi , more maiorum,
hos tu venerabère vt patres: qui ideo sunt in senatu
tuo , vt omnium consiliorum tuorum censores sunt
& iudices; ne quid fortè statuas, quod à Christi do-
mini religione sit alienum: quos, vt tales semper ha-
beas, quales habuit Casimirus auus tuus , Sbigneū;
Boleslaus Stanislaus , & huius successor Prando-

*Episcopi inse-
natu.*

tam, partim optare, partim verò curare debes. Illud enim fac tibi persuadeas, dignitatem Episcopi esse tantam; vt nulla res post Deum, neq; in terris, neq; in cœlo reperiatur, quæ cum hac dignitate exæquatur. Hic enim primus habet claves claudendi apriendiq; cœlos: hic spiritum sanctum largitur Ecclesiæ: huius imperio subiecti sunt Reges, principes, nobiles, ignobiles, diuites, pauperes: audi quo te deducam. Isti omnes quos enumeraui, vnū Christi ouile efficiunt. In quo quidem ouili, omnes sunt pares, non est seruus, vt inquit Paulus, non est liber, non est vnius conditio melior, neq; alterius deterior; sed uno nomine vocati sancti, omnes subiecti sumus Episcopo. Quod si ita est, vt certè est, quæsione tibi curiosum videatur esse, si à Maiestate tua quæram, quo iure Rex in Ecclesia eligit Episcopū: aut cur tu potius quam ego, aut quisquam alter; cum in æquali iure, potestas omnis sit æqualis? Quid di-

Eligenda Epi ces o Rex: aut quomodo tibi id licere putabis? num *scopos vetus* Scriptura? quæ tota contra te est: quæ docet, Stephanum Diaconum, non vnius alicuius prærogativa esse electum, sed voluntate omnium, qui tunc erant Hierosolymis cum Apostolis collecti. Mathiam etiam ad Episcopatus munus ab Apostolis omnibus electum esse legimus. Ideo scripturam rationis

*et plurim
26. 66.*

tionis tuæ testem proferre non potes : sed legem aliquam fortasse proferes. Quam quæso legem? vbi porrò natam? num in concilijs? quæ ad capitulo, hoc est, ad Canonicos, electionem Episcopi deferunt, quod hi in diligendo Ecclesiam illam, quæ eget Episcopo, repræsentent; vt adhuc obseruari videmus Romæ, Salerburgi, Bambergæ, Mandeburgi, Vrathislauiæ, Olomuncij, & in plerisq; alijs ciuitatibus. Legem itaq; nullam reperies, qua id tibi liceat. At exemplum fortasse vetus aliquod? nullū.

Nam vsq; ad Casimirum auum tuum electio Episcoporum libera penes Ecclesiam in Polonia manfit. Reuolute annales veteres : inspice etiam historiam Polonicarum rerum; facilè intelliges, qua ratione vetustissima Ecclesiæ consuetudo sit ab auo tuo in Polonia immutata. Si ergo neq; scriptura, neq; lege, neq; exemplo nominare Episcopum tibi licet; fateare necesse est, Reges magnam vim inferre Ecclesiæ : & cum spiritu sancto aperte pugnare te; quòd homines profani & pares in Ecclesia cæteris legitimis electoribus vim eligendi præripiant: et suo arbitratu Episcopum quem velint, in Ecclesia Dei constituant; præsertim cum hoc scelus alio cumuletur scelere, cùm huiusmodi verbis Episcopatū conferant: REGIA MAIESTAS PRO TVIS FI-

*Capitularis e-
lectio Episco-
porum quan-
do desit.*

DELIBVS SERVITIIS DAT TIBI HVNC EPI-
S COPATVM. Non sic olim , cùm Canonica stabat
electio, dicebatur : sed, ITA VISVM EST SPIR I-
TVI SANCTO, ET NOBIS, vt sis huius Ecclesiæ
Episcopus. Nūc verò in multis apparet, quām sit vi-
sum spiritui sancto, vt esset is vel ille Episcopus; cùm
nuper quidam non dissimulanter dixerit, sed aperte
& palàm , & multis audientibus , se triginta annos
Seruare pro
beneficio an
liceat. seruiuisse pro Episcopatu , antequam sibi daretur.
Non audit hic vir bonus Christum dicentem : NON
VOS ME ELEGISTIS, SED EGO VOS ELEGI.
Deinde omnes Apostoli , hoc est Episcopi , Christū
sequebātur vocati. Illi verò qui se vltro Christo offe-
rebant, palàm ab eo erant reiecti. Quapropter hæc
plantatio vt vides nō est patris cœlestis, quæ procul
dubio eradicabitur, nisi ius eligendi vetus, Ecclesia
recuperauerit. Ex qua re habebis multa bona: & pri-
mò, Episcopos legittimos, nō hominis vnius gratia,
sed multorum hominū censura electos: deinde, desi-
net vulgus quæri de sinistris clericorum moribus;
nemo enim deligetur Episcopus , nisi qui probatus
fuerit à multis, quem necesse est fieri moribus & vi-
ta singulari. Talis verò non patietur inferiores sui
ordinis sibi esse dissimiles. Quod si feceris, recupe-
rabit per te suam veterem dignitatem Ecclesia: tu
te etiam

te etiam grauissima liberabis culpa, quod cum Deo
apertum bellum gerere nolueris, sed iugo Ecclesiæ
Dei te totum subieceris. Qua quidem de re verbum
ego hoc loco non facerem, nisi me ipsa stimularet
conscientia, quod videam neminem esse conciona-
torem, qui vos Reges publicè doceat, qualem ra-
tionem pro hac tanta vestra in Ecclesia Dei iniuria
redituri sitis Deo. Quare iuxta Euangeliū, cùm
Klepars & cæteri Doctores fileant, lapides clamare Ioannes Kle-
pars erat vir
egregius, do-
cētus, & pius
Concionator,
dē re literaria
& Academia
Craco. optime
meritus.
oportet. Tu itaq; fac memineris te à me diligenter
sime huius erroris esse admonitum; vt in die hor-
rendi iudicij conscientia mea nullam culpam deli-
cti ferat. Hæc ego scripsi ut potui, non hominibus
imperitis, qui omnem doctrinam spernunt; sed tibi
Regi summo, qui ita cum animo tuo statuere debes,
potentia prudentiam esse coniunctā debere; quod
natura, altera harum virtutum quærat alteram, po-
stuletq; & simul viuat cum altera. Nam & potentia
absq; prudentia viribus ipsa ruit suis: et prudentia,
cum sit rerum domina, absque potentia firma esse
nequit. Quare cùm te esse sentias Regem, nihil ea-
rum rerum contemnes, quæ ad augendam pruden-
tiā pertinebunt: neq; ita dices, HOC ME MO-
NVIT PRIVATVS NON REX. Ego verò video
in theatro pugiles, & in circulo cursores, non tan-
tum à

*Zolwia se
dratia final
mit.*

tum à fortibus viris, verùm etiam à pueris clamore
incitari ad pugnam; quòd tantū clamor proſit per-
ſonæ, ratio nulla ſit. Multos tibi proferre poſſim,
~~in abo ig - mbo~~ qui priuati cùm eſſent, benè rem gerere multos
~~nibes nem bo;~~ principes docuerunt: quorum memoria inter ho-
mines viget, eſtq; immortalis. Nam & Simonides
Poëta multa docuit Pausaniam Lacedæmonium: Et
Thales Milesius, Periandrum Corinthium: & Peri-
clem Anaxagoras Clasomennius: Plato verò Dio-
~~N~~nenm: Aristoteles Alexandrū: Dlugos Sigismundum
patrem tuum; qui omnes principes atq; Re-
ges, ſi iſtos, quia priuati erant contempſiſſent, nun-
quam ad eam laudem atque immortalitatem inter
homines perueniſſent. Neq; ego me cum iſtis, vlla
ex parte confero (non enim ita deſipio) ſed horum
exemplo doceo, priuati hominis nomen nobis non
obſtare, quominus monitis noſtris obtemperes, que
oſtendunt tibi compendium comparandę inter ho-
mines laudis & gloriæ. Nam quod cæteris homini-
bus non contingit, vt ſint noti multis, niſi peregrin-
entur, obeant, & peragrent multa; hoc tibi vno in
loco aſſequi, quomodo liceat oſtendimus. Cùm e-
nim in excelsa ſede ſummæ dignitatis ſedeas, omni-
um gentium propemodum oculos defixos in te ha-
beas; vt nullum paulò illuſtrius ab te factum latére
poſſit,

possit, sed statim omnibus innotescat, si quid simile
 repræsentaueris, aut Licurgo illi Lacedæmonio, aut
 Cyro Persæ, aut Sigismundo Polono, & si quis alter
 præterea prudentia, vita, & moribus excellit; simile
 sic illustrabitur nomen tuum in Polonia facilè & ci-
 tò: et cum tua summa omnium laude versabitur,
 etiam si nunquam Hierosolymam nauiges. Si verò
 bonis fortunæ aut corporis deceptus, contemnes
 veritatis atq; iustitiæ præcepta; in isto quidem lo-
 co præalto sedebis; sed ita tamen sedebis, vt te lo-
 cus ornet, non tu locum. Verùm nos de te opina-
 mur meliora, quoties & indolem tuam & Iagello-
 num genus cogitamus, à quo genere aliena semper
 fuit arrogantia; placidum enim, benignum, tracta-
 bile, docile, omne genus vestrum fuit. Accipies er-
 gò hoc munus à fideli subdito, benigno & sereno
 vultu, eiusq; in primis commendatā habebis fidem,
 qui nihil aliud hoc scripto quærerit, quàm tuam vtili-
 tatem, quam tibi ratam atq; vtilem propriamq; De-
 us Optimus Maximus esse velit.

1543. Comitijs Cracouieñ. in nuptijs Inclitissi-
 mæ Dominæ Helizabetæ Regis Romanorum filiæ,
 quæ postea Dux fuit Litvaniæ 1544. infe-
 licissima; mortua enim est 1545.

Augusti die.

G

S T A N I S-

STANISLAI
ORICHOVII ROXOLANI
fidelis subditi

LIBER SECUNDVS.



V.M P A T R I I N R E G N O S V C C E-
das, optare debes & ipse tibi, consilia administrandi regni subire quam
plurima, & alios praestò adesse, qui
id, quod ex vsu futurum sit tibi, liberè
admoneant: quorum et si multi sint, tamen neq; me
contemnes, qui rationes tuas crebrò expendens,
agi tecum putem, si quid tu de officio remiseris.
Quare cum enixe cupiam, & te meum Regem, &
me tuum subditum dici, ostendam tibi, qualem te
Regem mihi velim esse, ut intelligas, qua authorita-
te regendus, quibus moribus conciliandus, quibus-
que artibus abs te sim tibi retinendus; ut ita inter
nos vtrinq; fidelis constet ratio, & obedientiae, &
imperij: vtq; tu mihi imperes sine querela, & ego
tibi vicissim pareā sine offensa. Hoc igitur scito, vt
Ratio retine-
di subditi in
officio. te idone-

te idoneum esse putem, cui ego non coactus, sed volens atq; lubens paream, duabus rebus ad id tibi opus esse. Prima est, vt credā te in omni ratione regni tui nihil nisi de meis commodis cogitare. Secunda, vt mihi certò persuadeam, te sapientiorem, iustiorem, fortiorem atque meliorem virum esse, quām sim ego. Altero enim horum vt te amem ; altero verò vt tibi fidem habeam, perficies. Nam si de tua virtute, nulla fuerit apud me opinio ; nulla etiam commodorū spes : quid illud erit tertium, quod aut amorē tibi apud me, aut fidem conciliet ? Ergo hæc duo apud te simul fixa maneant, firmaq; inter nos semper sint: nā & virtus sine vtilitate, iejuna est, & vtilitas sine virtute, incerta est, & ingrata. Quid enim tu apud me proficies, etiam si omnia pro me profundas, si ego te insipientem, iniustum, imbellem, ac improbum Regem esse putauero ? non bene sanè tum constaret inter nos ratio ipsius regni. Quare virtutibus omnibus, sapientia autem in primis præstes, necesse est, si idoneus mihi velis videri, quem ego ducem sequar. An tu me hominem pecus sequitur, non tam datorem, quām rectum ducorem ipsius pabuli. In hominum etiam ipsorum genere ægroti obediunt medicis, opinione artis

impulsi : sic nauigantes nauclero , sic milites suo parent duci, opinione sapientiæ ducti. Quapropter, si vis grandis à me videri, antè omnia dato operam, vt sapientior non solùm videaris, sed etiam sis, quām sum ego. Simulatio enim ipsa sapientiæ præfertim facilè inscitia coarguitur. Qui enim benè equitare se falsò simulat , is equo consenso imperitiæ conuincitur , ac tergo excussus, sæpè simulationis dat pœnas. Idem tibi faciendum est, vt raro promissis, semper autem rebus ipsis mecum agas ; ne si mihi sæpè multa de tua sapientia promiseris, pauca verò re ipsa præstiteris , canem me illum facias , quem cùm Venator in prædam sæpè incitat , raro autem illi prædam obiecat, incredulum illum ac segnem, etiam ad certam prædam facit. Quibus autem rebus opinionem veræ & excellentis sapientiæ apud me tibi comparare possis, dicam, sed audituro. In primis fac intelligam, te non minus in te ipso, quām

*Qui seipsum
nescit regere,
alios non potest.*

in me regendo sapientem esse Regem; frustra enim tu me regere voles , si ipse te regere non potueris.

Quare putato tu te tibi quasi Rempub. quandam esse, in qua tu mihi demonstrare debes omnes sensus atq; neruos sapientiæ tuæ , vt in te ipso experimentum clarius faciam, quantum ad me ea regendum translatæ in me sint valitura. Qua in re idem facies,

facies, quod pictores solent, qui cùm specimen artis edunt, ad speculum ipsi se pingunt, quod quidem in pictura est summum. Quod si iij vultus suos ex speculo penicillo assequi non possunt, tanto minus credútur posse aliorum. Illi verò qui hoc possunt, summi in arte habentur. Quales in Germania vidimus olim Durerium Norimbergæ, & Lucam Vitembergæ. Ad horum exemplum tibi quoq; efficiendum est, vt omnis ratio tuæ sapientiæ, in tua vita mihi apparet. quod si mihi planum fiet, non dubitabo eandem vim, prudentiam tuam in me gubernando habituram, quæ in te ipso habuerit. Sit ergo hoc primum & præcipuum, ad comparandam sapientiæ opinionem, vt ipse te noscas, atque viuendo totum exprimas: id quod etiam Apollo præcepit Pythius. Secundū est, quod ad eandem rem valet, nempe vt videam te sapientibus hominibus non solum delectari, sed etiam cum illis viuere, ac illis deditū esse, illorum præcepta audire, legere, ac tenere, & secundum illa regnare: quod ego cùm animaduertero, similem te quoq; illis arbitrabor esse, quorū consuetudine lætabere. Et vt te id agere verè & ex animo intelligam, remouebis abs te homines libidinosos, auaros, ac facinorosos: hystriones item atq; mimos; ne qua ex horum coniunctu nascatur de te apud me

opinio sapientiæ aduersa. Quantum ergo potes dā operam, vt in omni victu, atq; cultu tuo semper sint tecum graues viri, probati, atq; docti: nec verò multum refert, ex tuóne illi regno sint, an ex alieno: nam vt equis probis vteris, non curans Polonicinē illi sint, an peregrini; sic etiam hominibus ipsis vta-re absq; discriminē ad tuam regniq; tui vtilitatem. In quibus tamen diligendis adhibenda est abs te ratio diligens: multi enim sunt qui cùm ab illa vera & germana sapientia longissimè absint, sapienti-am tamen ipsam mirificè simulant. Hoc tu pernitio-

*Sapientia si-
mulata.* sum genus hominum, ventriq; ac lucro deditum fugē; insolentem enim Regem facit, arrogantem, ac degenerem: quos tu ömnes hac vna regula cognoscēs, quam hīc ponam. Quemcunq; inhumanum, arrogantem, auarū, ac plebanipetam videris; hunc tu insipientem esse dicito, & tuo conuictu indignū, etiam si is barbatus fuerit, tristis, ac superciliosus, multorumq; titulorū Doctor eius doctrinæ, quam ille verè nunquam didicit. Quid ita? quia sapientia

*Vera sapien-
tia.* illa vera, & non ficta doctrina, habet humanitatēm adiunctam: horret titulos: liberalitate ducitur: ac quodam externarum rerum neglectu lētatur. Non ergo homines ex titulis tibi deliges, sed ex rebus ipsis ad regni tui summam pertinentibus. Tales ho-

mines

mines prisci illi Philosophos appellabant, quod hi
 eam traderent doctrinam, qua hominum vita regi-
 tur & continetur; vt verissima conuersione omnes
 amatores sapientiae, sint amatores ipsius Reipub.
 & contrà. Hos ergo tibi adiunges summo studio,
 summaq; tua benevolentia. Restat ordine quidē ad
 parandā sapientiae opinionem postremū, sed facul-
 tate haud scio an longè maximū: vt videlicet scho-
 las & gymnasia, hoc est, ipsius sapientiae domicilia
 in regno, vbi non sunt, constituas, vbi verò collapsa
 sunt, restituas. In quibus iuuētutis regni tui indoles, Scholas neces-
sarias esse in
regno.
 ad humanitatem sapientiamq; informetur: & in
 quibus etiā tui subditi à pueris, & bene rem agere,
 & tibi sapienter imperanti parere cōdiscant. Quod
 si hisce rudimentis neglectis, legibus ac poenis ad
 virtutem ciues tuos impelles; idem facies, ac si quis
 poena cogat scopū attingere eum, quem nunquam
 iaculari didicerat. Quare ad augendam sapientiae
 famam; illud vehementer conferre existimes, vt
 Gymnasium Cracouieñ. quod proauus tuus con- Academia
Cracouieñ.
 didit constituas: quod ita sanè efficies, si publico
 edicto, hoc istud Gymnasium, per purgaueris men-
 dis illis infinitis, ex eoq; sustuleris autores illos, nō Turpes pre-
ceptores ex
 probatos & barbaros, minimeq; regno vtiles, Copu-Academia
pellendi.
 latos, Holcotos, atq; Bricottos, Glogouitam item
 illum

Philosophi re-
teres qui.

illum impurum, vnde mercede publica dediscenda discuntur à tuis, amoueris. Quare publico edicto coge collegas illos viros excellentes, pro hac ista hominum impurissima fece, recipere in Collegium authores probatos, tam Græcos quām Latinos, vt ex hoc ceu fonte quodam puro & nitido, fluat illa Regia doctrina, quæ sapientes efficiat tibi ciues tuos, regnoq; tuo aptos. Ad eundem modum scholas ipsas priuatas summo studio refice, illarumq; scho-laisticis, non aulicos istos nitentes purpura & byfso, sed homines eruditos præfice; quorum opera iuuētus doctior reddatur, regnoq; tuo paratior. Proinde & in Gymnasijs & in scholis cura, vt opera tua *Scholæ priua
te.*
*Magistri qua
les.* cōstituantur fideles magistri, qui demonstrēt, doceant, atq; consuefacent iuuenes talia à teneris probare ac agere; quæ bonos, gloriofos, ac felices illos matura iam ætate possent efficere, contrà verò his spretis, atq; neglectis, illi idem magistri, summo persuadeant studio, summam turpitudinem, infamiam ac miseriam, iuuenibus esse expectandam. Hac tu vna & eadem opera, & sapientes subditos tibi efficies, & ipse te mirificè omnibus commendabis. Putabimus enim te esse singularem artificem, quoties fuerimus hoc tuum opus contemplati: ostendes enim nobis in hoc isto opere imaginem mentis tuę, quod

quod perficere nullo modo poteris , nisi prius ipse
 sapiens fueris; signum enim scientis est, posse doce- Signum sci-
entis.
 re : docebis autem tu ciues tuos, si curaueris, vbi di-
 scant , & à quo discant. Noli putare Auguste ad o-
 pinionem sapientiae aliam viam esse præter eam,
 quam vides, nempe (repetam enim) vt ipse te ante
 omnia regas sapienter : deinde, vt cum sapientibus
 viuas: postremò, vt sapientes subditos tuos efficias.
 Hæc prima & summa est Regiæ celsitudinis tuæ
 commendatio. Nunc accipe huic proximam , quæ
 etiam ex hac ista ortum dicit. Sequitur enim iusti-
 tia ipsa, qua virtute efficiendum tibi est, vt tu in hoc
 regno iustissimus omnium esse videâre. Nam si tu
 aut æquè sapiens aut æquè iustus fueris vt sum ego;
 quid intererit inter me & te , hoc est, inter Regē &
 subditum ? nihil opinor. Quare vt præstare hac ista
 virtutis laude videâre; iustitiam cole , ipsamq; dili-
 genter exerce, nō solùm hoc ipso vulgari more, quo
 de illa rabulæ loquuntur; sed etiam hoc isto singu-
 lari atq; Regio, quo virtuti præmium, vitio verò sua
 redditur poena. Cùm enim omnis hominum cœtus
 boni alicuius causa conueniat, danda tibi est opera,
 vt illud ipsum summum bonum , cuius causa hic re-
 gni tui cœtus conuenit, præmiis ac muneribus tu-
 is excitetur, foueat, ac in hoc regno abs te fideli- Cœtus homi-
num cur insti-
tuti.

ter retineatur. Est autem illud summum ac postremum bonorum omnium; ut sub tuo iure atq; imperio cōuenienter legibus atq; naturæ omnes in hoc regno viuamus. Hic finis tibi propositus est: ad hunc tu finem omnem cursum regni tui dirigas necesse est; si hunc istum Polonicum coetum, non diuturnum tantum, sed etiam beatum ac felicem facere cogitas. Quod tu sanè hac via assequere, si curaueris, ne in hoc isto Polonico coetu virtus cedat virtus: neuē indignis id abs te tribuatur, quod dignis est tribuendum. Quòd si quid tu hīc erraueris, disoluetur hic tui regni cœtus, & opinione tua citius

Virtus negle- dissipabitur. Sævit enim neglecta virtus, furit, ac ni-
cta. mium seditiosa est, resq; ipsas communes perire cu-
 pit, cùm videt se esse relictam. Neq; verò aliam cau-
 sam seditionum regnorumq; ipsorū amittendorum
 puta esse; quām hanc istam vniuersam distributio-
 nem bonorum atq; munerum. Recense hoc loco
 Græcorum atq; Latinorū historias, id quod te stu-
 diosè facere audio; reperies viros magnos ac ex-
 cellentes, cùm se neglectos esse non ferent, patrias

Tyranni si- suas funditus euertisse. Iam verò ipsius Tyranni
gnum. nullum argumentum est aliud, quām hæc ista in-
 æqualitas, siue iniustitia distribuendi. Cùm enim
 Tyrannus sit pestis quædam conflata ex varijs vi-
 tijs, con-

tijs, conuersione imunerum, ac illorum in improbos
 collatione; virtutem ipsam infamia quasi inedia
 quadam extinguit ac delet. Nam vt corpora nostra
 suo viuunt cibo; sic virtus suo viuit præmio; quæ, ne
 qua in libera Repub. extet, omnis Tyrannus curat;
 apud quem in distribuendis honoribus valent pe-
 cuniæ, valent preces, valet compositio, collusio,
 scortatio, & illa nutricula Tyrannidis assidua valet
 adulatio. Ita Tyranni hisce debere se omnia arbit-
 trantur, quos aut vtilitatis aut libidinis suæ norunt
 esse magistros. Quibus vt tu te dissimilem præstes,
 in distribuendis honoribus, esto omnium diligen-
 tissimus, atq; iustissimus: nihil apud te in petitione
 valeat pecunia; excœcat enim oculos sapientum, &
 subuertit corda iustorum: preces etiam tantum a-
 pud te valeant, quantum cuiusq; dignitas ac Re-
 pub. vtilitas postulabit: quæ tantum apud te posse
 debet, vt boni viri vltrò etiam appetendi sint tibi
 potius, vt ad Rempub. accedant, quām vt illam in-
 dignis potentibus concedas. Cūm ergo homines
 ebriosi, effeminati, atque degeneres abs te aliquos
 honores petierint, responde illis; honores regni
 abs te deberi viris veracibus, fortibus, atq; tempe-
 rantibus, qui & vera dicere, & fortiter agere, & so-
 briè norunt viuere; quales cūm neque adulatores,

*Virtutis re-
getatio.*

Pecunia cœca

*Qui honore
indigni.*

neq; effeminati , neq; ebriosi sint ; dic non honore illos dignos esse, sed poena. Quod cum feceris, virtus tum in Polonia crescat , algebit vitium, improbitas etiam ipsa desperatione frangetur , atq; infamia : tu etiam ad te amandum, inuitabis hoc modo optimum & præstantissimum quemq; , cum te fidelem dispensatorem opum regni viderimus esse, & cum te vi, non abuti copijs publicis hoc isto pacto cognouerimus. Iam illa altera pars iustitiae, quæ legibus continetur, facilior tibi ad absoluendum erit, si priorem illam diligentius tractaueris : hanc enim secundam iustitiae partem, putare debes in tua Repub. quasi medicinam quandam esse sanandorum vitiorum regni tui. Debes tu quidem curare, ut sanum semper præstes Reipub. corpus ; in hoc enim summa laus, ut medici, ita ipsius Regis est. Sed tamen, si quæ regni tui partes aliquo vitio aliquando laborauerint, illas tu legibus cures æqualiter, idemque facias, quod medici solent, qui in curando non cogitant, sicut diues an pauper, dominus an seruus, cuius an peregrinus, is quem curant ; satis enim illis

*Iustitia discrit in medendo est, scire hunc ægrotum esse, hocq; vel
men uō agno- illo affectum morbo; nihilq; præterea. Sic tu ad ho-
scit persona- rum modum tolle in iudicando omnem persona-
rum respectum. Intersit sanè aliquid inter hominum
ipsorum*

ipsorum dignitatem, sed inter reorum errata nihil omnino intersit. Quod si quid tu inter haec interesse volueris, et si personam in iudicio acceperis; nunquam hanc Rempub. hac ista iniustitia quasi morbo quodam liberabis: quærelæ etiam istæ, in quibus viuis, & quas exaudis, nunquam conticescent, quæ non aliunde sunt ortæ, quam quod antè hac in iudicio valebat authoritas, valebat conditio, valebat ipsius personæ respectus: vis etiam sæpè valebat, atq; metus: is in iudicio vincebat, qui aut ipse potens erat, aut aduocatum potentem habebat: ita ex hac inæquali iudicandi ratione, nata est ista intolerabilis quorundam potentia; quæ cum in iudicio, in compromisso, in sequestro, in arbitrio sola regnaret, ius omne in hoc regno opprescit: pro vno que Rege, multos Reges nobis peperit; qui nostris rebus vtuntur ut volunt, iudicant ut volunt. quibus liberi non videmur esse. atq; ita in prouincijs miseri afflictiq; ab his sumus, ac si nullus in Polonia omnino Rex esset vindex maleficij, patronus autem libertatis nostræ communis. Attolle oculos Auguste & vide, excuteq; præfecturas regni tui diligenter, in multis nihil reperies, præter crudelissimum quorundam dominatum, qui cunctas subditorum tuorum res, ad lucrum prædamque suam reuocarunt,

*Multi Reges
in regno.*

Quærelæ.

*Anima in
Capitani
et Prosp.*

immunitates sustulerunt, libertates oppresserunt, leges violauerunt, calumnias exquisitas iuribus apposuerunt nostris, causidicos contra nos comparuerunt: quorum fraude ac fallacijs inuerterunt ius, contorserunt leges, falsauerunt acta publica, confingunt perlucra, bonis pellunt, regno proscribunt quem volunt, quando volunt, & quomodo volunt. Quid ergo nunc illa minora, non ferenda tamen commemorem? abactiones pecorum, excidium syluarum, cædes gregum armentorum reliquumque pecoris, quodcunq; nocti sunt, rapiuntur coloni nostri, diripiuntur villæ, vectigalia vetita exiguntur, minæ postremò neq; raro interponuntur. Ita imago nulla in Polonia ab his relicta est veteris libertatis. Hæc tanta atq; postrema regni tui mala, sunt orta ex inæqualitate iudiciorum ipsorum. In quibus dum dignitate quidam se tuentur, non innocentia, potentia ista creuit, quæ non solum tenuioribus intolerabilis est, sed etiam tibi ipsi, nisi prouides, formidabilis. Quid enim tu contra hos poteris? qui, si non alia re, ipso tamen ad uitialitatis iure, non tuas sed suas prouincias esse dicunt, & penè hereditari-

*Capitanior
in 22as Joffe
et 22as Joffe*

as, in quibus illi regnant ita, vt Regis ratio in prouincijs prorsus nulla sit: tantum enim iam profecerunt, vt prouinciales homines, consuefaccrint omnia

*Capitanei.
misi de Joffe
prima fol 40.*

mnia à se , nihil autem à te sperare : sibi omnia, tibi
nihil tribuere: se timeri,tui autem nullam rationem
haberi. Ita illud dulce Regij præsidij nomen , quod
apud maiores nostros summum contra iniuriam fu-
it, totum sublatum est : exitiale siquidem illud iam
est factum, quod salutare olim fuit. Si quis præfecto
rapienti, spolianti, ac postremò intentanti obijciat
illud,SCIET HOC REX, DICAM HOC REGI,
CONQVAERAR REGI, nimium acerba ac fune-
sta hæc mihi redditur vox ; conduplicatur enim ca-
lamitas: germinantur mala omnia: & nisi procidens
veniam pro hac ista voce missa petā; non villa tan-
tum , neq; silua, sed patria ipsa vitáque est mihi de-
serenda. Tantum nobis obest Regiæ potestatis tuæ
appellatio ; vt nulla res apud præfectos nobis obsit
magis: ita, quod oppressis solatio debuit esse, exitio
iam est facta. Quare eò miseriarum iam venimus,
vt si in nonnullis prouincijs, quempiam casu requi-
ras, cuius nam sit ; paucos reperies, qui se Regium
esse dicat: pro se enim quisq; certatim respondebit,
se huius , vel illius præfecti esse ; tuum autem qui se
esse dicat , reperies planè neminem. At hæc misera
responsio non benevolentia aliqua, aut beneficio à
nobis exprimitur, sed vi ac metu, atq; crudelissimo
rerum omnium cruciatu. Quamobrem huius tantæ

ac tam foedæ postremæq; seruitutis , sit aliquando,
 vel te Rege Auguste, finis aliquis : satis diu iam mi-
 seri fuimus : satis seruiuimus : satis omnibus iniurijs
 oppressi sumus : liceat iam tandem respirare ali-
 quando : liceat tibi soli parere , ac æqualiter cum
 omnibus æquo iure viuere; quod tūm fiet, cùm non
 tantūm titulum, sed vim quoq; & potestatem tuam
 Regiam ex æquo omnes in prouincijs fuerimus ex-
 perti. Quod si feceris , cessabit hic communis lu-
 catus : cessabunt quærelæ : cessabunt etiam illa mi-
 serorum vota , Turcæ dominatum præoptantium.
 Compescere igitur hos , qui in iudicijs regnare, ac in
 comitijs soli omnia posse volunt ; quíq; conuentus
 ipsos particulares, nuncios terrarum, iudices, subiu-
 dices , notarios , succamerarios , ac commissarios ,
 ad opprimendum nos, ad infirmandas leges , ad e-
 uertenda iudicia, ad constabiliendam postremò po-
 tentiam suam composuerunt atq; instruxerunt ; vt
 hoc modo soli omnia in hoc regno possint , vtq; tu
 præ illis quidùis potius , quàm Rex esse videaris.
 Quod si tu hoc loco à me requiras, quodnam reme-
 dium hisce tot incommodis afferre queas ; dicam,
 quod sentio. Regum in Polonia veterum sapientia
 mihi vehementer probatur , qui certo tempore an-
 ni, omnes prouincias huius regni obibant, id quod
 liquet

Libertas tan-
tum iactata.

filii autori-
Prouinciae re-
gni vixenda.

1581 OC

liquet ex his adhuc, quos officiales terrarum vocamus, quorum nomina retinuimus, rem autem ipsam summo cum detrimento regni amisimus. Sunt enim singulis in prouincijs vt scis, succamerarij primū, præfecti cubiculi Regij, sunt dapiferi mensæ ministri, sunt venatores, sunt etiam iudices ipsi, quasi quidam syndici Regis, prouinciali iudicio præsidētes : quos apparet in singulis prouincijs ideo fuisse olim institutos ; vt venienti anniuersario tempore in prouinciam Regi, præstò adessent. Repete Auguste Rex vetus atq; adeò patrium exemplum: nusquam domicilium vitæ certo in loco ponas : versare vbiq; : notus fias vbiq; : confer te ad omnes regni tui partes : lustra prouincias : audi quærimoniæ: puni fontes : oppressos libera: sitq; apud te præfecturæ legittima adimendæ aduitalitatis causa, oppressio miserorum atq; calamitatis. Quod cùm feceris, solus hoc pacto eris in Polonia Rex : solus tutor & patronus omnium : honoremq; tuum Regiū alijs non dabis, neq; cum vlo subditorum tuorum hoc pacto illū communicabis. Nos etiam ipsi, tum demum desperare desinemus, cùm auxilium tuum præsens, quasi numen quoddam nobis adesse senserimus: quæremur enim te præsente liberè: expostulabimus liberè: contendemus etiam cum præfectis

te disceptatore liberè. Nunc verò , quia longissimè
 à nobis abes , raroq; nos inuisas ; prædæ atq; dire-
 ptioni præfectorum expositi sumus , ac in misera-
 quærelarum tempestate assiduè viuimus. Hoc igi-
 tur tu ante omnia facies. Deinde cura , ne quis fe-
tionem iudi-
cijis nō feren-
datorum causam in senatu agat alicuius, quod is te-
dam. cum pro rata parte , quodam modo communis sit
 huius regni iudex. Iam verò in dicenda sententia,
 cura , ne quis senatorum dicat illum amicum, hunc
 verò seruum suum esse. Quid enim potest dici aut
 singi indignius , quām necessitudinem prætexere
 iniuriæ, aut te communi omnium domino audien-
 te, seruum quempiam subditorum tuorum à quopi-
 am in iudicio tuo appellari? Quare vt hic error tol-
 latur , fac idem in Polonia , quod te aliquando in
Litvania fecisse fama est:cūm enim in Litvanico se-
Egregiū Au-
gusti factum. natu (vt dicitur) diceret quidā reum quendā necef-
 sarium suū esse, vt ne is propterea suo loco rogare-
 tur, sententiā vetuisti. commemorabile hoc sanè ex-
 emplum est , & ad commendationem tuæ iustitiæ
 longè omnium maximum: quod vt in Polonia quo-
 que repetas, abs te petimus. Quare te rogamus, at-
 que obsecramus per fidem tuam, per hanc inuictam
 dexteram, per tuum iusiurandum, quod ex æquo o-
 mnibus abs te dātum, quasi pignus quoddam auxi-

lij Re-

Iij Regij nobis est; vt nos hoc pacto spoliatos, euer-
 fos, ac collapsos erigas, reficias, atq; restituas, no-
 bisq; afflictis manum hanc tuam tot seculis spera-
 tam atq; exoptatam, aliquando porrugas, nosq; ex
 his tantis malis eximas. Quod si feceris, dabit tibi
 Deus tanquam alteri Salomoni ad iudicandum cor *Salomonis sa-*
 sapiens, vt magna iustitiæ opinione ac laude sis a-*pientia.*
 pud omnes: hoc isto modo præsertim, si ad hanc iu-
 stitiam ciuilem, diuinam quoq; iustitiam adhibue-
 ris, quæ pietas in Deum est. De qua dicam breui-
 ter. Neq; enim speres aliquid te in hoc regno boni
 posse efficere, nisi habueris oculos mentis tuæ illu-
 minatos diuino illo lumine, sine quo, vt verè cani-
 tur, nihil est in homine. quod vt menti tuæ luceat;
 cura, vt illud lumen semitarum nostrarum, quod est
 verbum Dei, purum ac integrum tradatur, audiatur,
 atq; in regno tuo exerceatur. quod sanè fieri ne-
 quit, nisi hoc istud verbum exemeris è tetro quo-
 dam atq; fœdo rerum abusu: in lucemq; è tenebris
 ac in conspectum regni tui produceris, opera eorū
 fidelium hominum, qui possint etiam alios docere:
 qui cùm lucernæ quædam istius verbi Dei sint, ca-
uebis diligenter, ne cui nebuloni rudi, ac plane ne-
poti, mandes sacerdotia, quæ tantò ampliora erunt, *sacerdotia*
quantò maior in deligēdis ad ea sacerdotibus cura *perditis ne-*
ganda.

abs te adhibebitur. Nemini apud te in his adipisci-
scendis suffragetur genus : nemini preces : nulli pe-
cunia : noli pati, vt Episcopatus ipse, sit apud te adu-
lationis præmium, & præbenda assentationis mer-
ces : noli audire illas nefarias orantium pro aliquo
preces :

HIC TANTVM MAIESTATI TVAE

SERVIVIT, TANTVM SVDAVIT, TANTVM EX-
PENDIT, DENIQVE TANTVM DAT, TAN-

TVM PROMITTIT. An tu putas qui hac via ad Ec-
clesiam Dei obrepunt, posse illos in Ecclesia aliquid
boni efficere ? Cœci isti sunt, mihi crede, ac crucis

*Incommoda
Ecclesiae ru-
de.*
Christi inimici, furoreq; ac amentia in Ecclesia Dei
feruntur præcipites : ex his Hypocrisis nata est, præ-
stigiæ item verbi Dei ac fallatiæ: ab his opprimitur
Euangelium, ac Christus ipse ex multorum cōdi-
bus funditus tollitur. Nec mirum : non enim zelo
charitatis fraternalë, non pietatis propagandæ stu-
dio impulsi sacerdotes sunt h̄i facti ; sed vt, aut lacu-
nam rei familiaris expleant, aut fratres inopes iu-
uent, aut vt dominantur, aut omnino vt otiosi sint,
nihilq; in omni vita agant. Quare cùm isti quæstum
putant esse pietatem, non tantum non præferunt
lumen errantibus, doctrinam imperitis, spem despe-
ratis istis ; sed illam extinguunt, delent, ac radicitus
omnem ex animis euellunt hominum : Fur enim

Christo

Christo teste, odit lucem, quod vereatur, ne lumine
 verbi Dei illato, furta illius coarguantur: idcirco
 isti ut lateant, inuoluunt se in tegumento ouium ipsi-
 us simulationis, personamq; sibi sumunt veteris san-
 citatis, cum tamen intrinsecus, nequissimi sunt o-
 mnes, lupiq; rapacissimi: qui hoc solum curant, ne
 plebs verbo Dei admonita, ipsos in ouium veste lu-
 pos esse agnoscat, illosq; relinquat, quæstumq; huic
 pecori, quasi pabulum ac glandem adimat. Quod
 ne fiat, coniurauerunt isti mihi crede, in verbum
 Dei, atq; in illius veros & legittimos professores:
 qui, ne in Ecclesia vlli sint, vides, quam illorum iam
 exarserit furor. Qui, ne tantum possint, quantum *Abusus.*
 velle videantur; suscipies tu causam pro tua rata
 parte ipsius Ecclesiæ: ad exemplumq; Ezechiæ Re- *Ezechiæ*
 gis confringes hunc istum æneum serpentem, hoc *Zelus.*
 est, quæstuosam quorundam religionem: per pro-
 uincias etiam Episcopos institues, non e blandito,
 neq; ementito, sed legittimo atq; pio suffragio, qui-
 bus adiunges eadem censura Canonicos, non hos
 togatos, aut palliatos aulicos, sed illos, quos cognoueris
 omnium iudicio esse probatos. Quod si fece-
 ris, liberabis regnum tuum, religionum nouarum me-
 tu: nullas hereses metues, ac nullam ipsius religio-
 nis conuersationem pertimesces; nihil enim est fan-

Veri sacerdo- Etius vero Sacerdote, nihil amabilius, nihil etiam ad imitandum vulgo propositum magis; quales cum nacta fuerit plebs, ad illorum præscriptum viuet, pacemq; ac tranquilitatem tuebitur. Tales ergo ut sacerdotes regnum tuum habeat; maxima parte in te est situm, quos tu ipse in summa veneratione habebis. Inprimis autem Episcopos ipsos, quos vicarios Christi, & patres regni tui, ac clauigeros æternæ vitæ existimare debes, tantæq; dignitatis atq; præstantiæ; ut tua Regia dignitas, cum Episcoporum maiestate, nulla ex parte sit conferenda: quod si est, vti certè est, summo studio curabis, ne qua in re hūc istum sacerdotalem ordinem offendas, neué illum conturbes. Et quoniam me tibi fidelem subditum

+ initio p[ro]p[ter]a
Episcopi sa- esse semel sum professus, addam etiam illud, teq; liberius, clementia confisus tua, hoc in loco admonebo: nempe ut illam abominationem, quam Regum pestis assentatio in Poloniā introduxit, tollas quām primum de medio, quæ illa summa est, ac detestanda: Cūm Episcopus vestibus sacris indutus, ac illa redimitus infula, tum etiam sacrificans, ac Christum dominum ad aram repræsentans, tibi venerabundus procidit ad pedes cum turribulo, cruce, ac libro Euangelico; quomodo hanc tam horribilem faciem huius tantæ venerationis sustinere potes? Rex?

Pilatum

Pilatumne te an Herodem impium vis existimari,
illo horrendo Christi Dei tui obsequio? cur autem
tu vice hac conuersa, non eum honorem potius ha-
bes Episcopis? præsertim cum subiectus illis sis, e-
umq; honorem Episcopo debeas; nonnulla tua cum
venia, tanquam subiectus præposito, filius patri, ho-
mo autem Deo Christo & domino tuo, quem totū
Episcopus sacrificans exprimit illis vestibus, illis in-
fulis, deniq; illa totius sacrificij actione. At non pa-
titur, inquies, Maiestas mea, vt me ita submittam.
Multò minus illorum fert Auguste Rex, si veritatem
ad rationem reuoces. At ferunt, inquies, hoc Epi-
scopi. Ferunt Auguste, fateor, & magno quidem
cum suo & Ecclesiæ dedecore ferunt; quia id quod
sunt, se esse aut nesciunt, aut non sentiunt: molesti
etiam tibi quidam illorum esse nolunt; ne quid for-
tè, aut de spe, aut de ambitione apud te perdant.
Ioannes quidam Lubrantius, cuius multa dicta atq;
facta in Polonia feruntur, quendam Episcopum pa-
lām reprehendisse dicitur, cum is Episcoporum
primus in Polonia, hoc isto nouo more ad pedes pa-
tri tuo prociderit cum turribulo sacrificans. Hic
tum Lubrantius, vt erat concitatior, indignam, ait,
rem in Poloniā inducis Episcope. Tibi quidem, in-
quit ille, ita credo videri, quod Posnanieñ. Episco-
pus iam

pus iam sis. At ego ne diutius Præmislieñ. sim , hac ista noua via hodie efficiam. Ita Episcopus ille, qua via Præmislia exiuit, eadem nouum hoc veneratio- nis dedecus in Poloniam introduxit. cuius exem- plum causa peccandi tibi non debet esse: maiusque pondus apud te habeat prisca illa veterum pontifi- cum authoritas , quàm ista huius Episcopi noua.

*Caroli V. ex-
emplum.*

Imitare hac in re Carolum Quintum, Cæfarem, di-
uinum hominem, qui in pontificis Romani sacrifi-
cio minister summa veneratione sæpè fuit: porrò tu
in tuo regno idem es, quod Cæsar in suo imperio:

*in Colonia ad
Pontifex Romæ* Episcopus verò in Polonia, idem est, quod Pontifex
Romæ. Quare si Pontifex ipse nunquam Cæfarem
illo modo veneratur, nec Episcopus quoq; te Re-
gem debet venerari; paria enim hæc sunt, vnius &
eiusdem ordinis; vt quantò Cæsar à Pontifice supe-
retur, tantò quoq; tu ab Episcopo superârc: & quod
Cæsar Romæ tribuit Pôtifici, hoc idem tu in Polo-
nia tribuere debes Antistiti: & quod Pontifex non
debet Cæsari, nec tibi Antistes debet Regi. quo fa-
nè argumento honestè, ac piè, hanc idolomaniam,
repudiabis abs te: quotiesq; sacro interfueris, sem-
per autem interesse debebis, toties te non Regem,
sed priuatum hominem, euinq; peccatorem adesse
illi sacro existimare debes. Et aut parem cæteris qui
aderunt,

aderunt, aut etiam multis, immò verò omnibus inferiorem, ut ille diuinus honor ab Episcopo tibi homini peccatori non debeat tum exhiberi: sacro verò peracto, cùm ad tuū opus Regium redieris; tūm sanè Rex esto: sume gladium, quem tibi Deus dedit ad vindictam malorum, laudem autem bonorum. In Ecclesia verò nihil minus esto quām Rex, Episcoporum quodammodo ibi regnum est; tu autem nō sacrorum sed Reipub. ipsius Rex esto: quam Rem- *Regis imperi-*
 pub. cùm sapienter, iustè, piéque domi administra- *um ubi.*
 ueris, eam quoq; vt tutam foris præstes, curabis: des
 que operam, ne nos pœniteat infirmitati diffisos
 nostræ adiumenta fortitudinis tuæ quæsiisse. Cùm *Respub. foris*
 enim vndiq; hostibus circumsepti essemus, vt ab his *tuta reddent-*
 tuni simus, te custodem atq; ducem requisiuimus; vt *da.*
 te agente & vigilante solo pro omnibus, salui esse
 cum liberis, coniugibus, fortunisque nostris pos-
 semus. Quare, sis tu sapiens Rex, sis iustus, etiam li-
 cet; tamen si te imbellem esse cognouerimus, ni-
 hil habentem neruorum ac virium; nihil tibi prode-
 rent apud nos cætera, quantumvis ea in te fuerint
 magna & præclara. Hæc enim ista, de qua loquor,
 fortitudo propriè virtus dicitur, quòd sola plane vi-
 ros efficiat: qua qui Reges carent, imbelles, atq; ef-
 feminati dicuntur, abiecti q; , & qui ex contumelia

Sardanapa-
lus.

nomē traxerunt, Sardanapali vocitātur. Fuisse enim ferunt Sardanapalū Phrygem perditæ nequitiaæ Regem: quem cùm miles Assyrius quidam inter fœminas nentē deprehendisset, illū interemit; indignum ratus, Assyrios viros fortes subijci fœminę. & meritò quidem: nam qui regnare vult, opus illi est ante omnia, animo magno atq; excelsō, qui hæc humana inferiora ducat esse dignitate sua Regia: qui inhonestā non solūm hæc summa, sed etiam ista minima magnopere fugiat, honesta contrà appetat, ac illa etiam morte, si opus sit emat, dignitati seruiat: emolumenta publica curet: ac régnum vita propria ch-

Boleslao Chabri.
Miesco igna-
nus.

rius habeat. Hoc animo conuenit esse Reges: hoc qui carent, Sardanapali sunt, hoc est, miseri atque contempti Reges: qualis Miesco in Polonia olim fuisse memoratur. qui cum à patre Boleslao Chabri clarissimo ac fortissimo viro regnum Poloniæ opulentissimum copiosissimumq; accepisset, illud Rich-

sæ vxoris libidine inertiaq; sua dissipauit. Qui vt contemptus in Polonia vixit, ita etiam infamis ob nequitiam obijt. Prætero Ludouicos, taceo multos alios, qui præter ipsum nomen Regium, nihil habebant Rege dignū: nec propter aliud, nisi quod & animo deficiebantur, & studio ad regnandum apto. quorum casus & infamia te admoneat, vt ijs spretis tibi

tibi ad imitandum proponas Boleslaos illos veteres, Vladislaos item, atq; Casimiros auos tuos, & in primis Sigismundum patrem tuum, qui in Polonia gum bonorū.

*Boleslaus.
Vladislaus.
Casimirus.
Exempla re-
sum bonorū.*

optimi Reges ac fortissimi viri fuerunt, ad quorum exemplum adolescentiam tuam exerce. Et vt illam ex otio in negotium regni tui transferas; laudem & gloriam tibi proponas: ad quam, infamia aliorum te exhortetur: viuas in labore: ibiꝝ; assiduè versare, vbi metus adest aliquis, qui tibi somnum adimat, qui te excitet ac vexet quotidiè, tibiꝝ molestus semper sit; vt is tuo secum conuiuetu, voluptatem venenum adolescentiæ tuæ abs te pellat, teꝝ; doceat, quomodo oportet, & vbi oportet, & cum quibus oportet Regem viuere. Hoc eodem monitore atq; magistro, animus ipse tuus ergetur, in omnesque partes tanquam arcus intendetur, vt acrius sentiat, celerius occurrat, venientiaꝝ; mala paratius excipiat. Hic idem te laudis cupidum, prouidum, ac animosum spe bona imbuat, neque de salute regni in periculis vnquam te desperare sinat; omnia enim in metu experiri videbis, vt nihil eorum omnium quæ obsint, quæué tibi profint ignores. qua ex re nascentur tibi, domi fides, foris verò summa authoritas: putabunt enim tui hostes, rem sibi esse cum viro strenuo, perito, animoso, atq; spe optima pleno, non

*Virtus Regis
hosti formi-
dabilis.*

cum ignauo, imperito, degenero atq; stolido. Quæ opinio non minus tibi apud omnes proderit, quæ prosunt arma tormentaq; bellica. noli enim putare, hostem alia re vlla animosum magis in pugna reddi, quæm opinione speratæ victoriæ, quæ tota ducitur ex aduersarij aut indignitate, aut infirmitate. Quis enim vigilans se non putat vincere posse dormientem? aut quis sobrius ebrium? prouidus negligenter? deniq; paratus imparatum, se non putat opprimere? Instat enim audens virtus vitio, ibique illa exultat magis, vbi vitium plus videt valere. Quare ut in te omnia, quæ ad fortitudinis opinionem attinent non solum excellant, sed etiam alijs excellere videantur; confer iam te nunc, ad eas regni partes, quæ magis hostem metuunt. Inprimis autem in Russiam ipsam abi, quæ multis hostibus, ijsq; assiduis est exposita: obi hanc prouinciam, Auguste: recognosce illius munitiones: infirma illius considera: præsidijs etiam firmis muni: fac nobis fidem, te eum Regem fore, qui Scythes, Valachos, atque Turcas poteris ab ea prouincia prohibere. Hoc ede specimen iam nunc Auguste Rex, nosque Russia, non Vilnæ, neque Cracouiæ, sed in Russia doce, quantum confidere de tua virtute debeamus. Sint illæ vrbes receptacula sacerdotum & mercatorum,

non

non virtutis neque militiæ tuæ. Otius ergo hinc in Russiam confer te: viri fortes comitabuntur te: galeæ, non infames illæ Mascharæ, te sequentur: denique milites ac Equites illi Poloni (non hystriones neq; mimi) tecum in Russia viuent: quorum frematum cùm ex Camenetio, aut Bratislauio, aut Kiouio vicina exaudierit Scythia, Valachia item atq; Tur-
*Stremus Rex
hostem terret*
 cia, dicet perculsa metu: Hui, tam citò! Rex nouus hîc certè adest: certè vigilat: ac malum machinatur nobis. Quod si tu alias res ages, choreisq; puerlarum Vilnæ, aut mascharis Cracoviæ occupatus fueris; & tuis risui, & hostibus contemptui eris: vastabunt, incendent, prædas agent impunè: tum etiam, ut hominum genus est dicax, ac contumeliosum Scythæ, repetent sœpius illud insultando, Diet-
*O pueri, Rex
iste excors &
ignavius.*
 ko, Korol neserdit. quod ne fiat, intermissis omnibus rebus in Russiam abi quamprimùm: idemque facias, quod in noua villa boni patresfamiliâs faciunt; qui mox vt sunt naucti, obeunt villam, singula in ea inspiciunt, cum villico deliberant, hocq; & illud opus exercendum parant. Idem & tu facies, vt sepulto mox patre, comitijs etiam absolutis, regnum obeas: periculosiores illius partes inspicias: centuriones recognoscas: exercitus lustres: præsidia col-
*Exercitus lu-
lores: totumque opus belli diligenter pertractes. strandus.*

Quod si feceris, dici non potest, quām amabilis tu-
is, quām verò formidabilis hostibus, hoc isto modo
fueris: Cyrus alter, atq; Agesilaus, ac ipse Alexan-
der Macedo, omnibus tam domi quām foris esse vi-
debere. Atqui ego prolixius, quām institueram, hæc
ad te ideo scribo, quod te in Litvaniam redditurum
mox comitijs absolutis, rumor est. Quod ne facias, te
per dignitatem tuam Regiam, quæ tibi esse charis-
sima debet, oro obtestorq;. Nam si tam citò ac vix
salutatus Rex à nobis Vilnam redieris, pessimè (pa-
ce tua dicam) existimationi tuæ apud omnes con-
sules: dicemus, euntemq; talibus vocibus persequen-
mur: O Cyre noster, tam ne citò hinc? cur vitas ocu-

los? cur fugis lucem? aut illud: Hoc est Regem esse?

Russoru que- aut, hic si sciret, quid sit Rex, in Litvaniam ne iam
rele. rediret. Quod ne accidat, acquiesce nunc precibus
meis, & abiecto Vilnæ desiderio, mox te ostende in
armis, Russisq; te ad videndum & pertra&tandum
præbe. Hostes etiam tuos perterrefacias aduentu
subito in Russiam tuo; ita vt omnis illa lues Asiati-
ca, sciat te vigilantem Regem nobis datum esse, ac
regni huius fidum custodem. Verùm hæc nos fru-
stra te monemus, ac præscribimus tibi omnia, nisi tu
habueris domitas cupiditates tuas; quæ cùm inua-
luerint, omnem sensum humanitatis virtutisq; è no-
bis tol-

bis tollunt. Quemadmodum enim quidam morbo aliquo, & sensus stupore, suavitatem cibi non sentiunt; sic cupiditas libidinosa atque præceps, stupidam adolescentiam reddit, iniustum, atq; mollem: *Libido Regi fugienda.* occludit illi oculos, ne perniciem suam vdeat: aures etiam illi obturat, ne verba salutaria audiat: solius veneris contactum illi inculcat; ad cuius usum, cuncta visa, audita, odorata, ac gustata vertit: qua ut liberius perfruatur, iuuenilis ætas, pudorem illi antè omnia soluit, cum quo virtus una perit, omnisq; rerum honestarum cura, cuius rei illud triste quidem exemplum, sed ad cauendum apprimè Regibus vtile à Poëta describitur hisce versibus:)

*Non ceptæ assurgunt turres, non arma iuuentus
Exercet portusuc aut propugnacula bello
Tuta parant, pendent operi interrupta minæq;
Murorum ingentes, equataq; machina cælo.*

Vides ut Dido illa infelix, nouam cui condere Iupiter urbem dederat, libidine quasi peste correpta quadam, omnia negotia Reipub. intermisserit. Sic illi extorserat libido è manibus totum opus regni: torporem verò, atq; rerum neglectum ingesserat. Fugit enim laborem libido, corporique parcens, soli Veneri illud seruat illibatum. Et cùm totum ho-

tum hominem libido occuparit, ita illum miserum facit, vt illum alieno corpori, tanquam Prometheus Caucaso affixum reddat, vt non amplius iuris sit sui: facitq; vt in alieno corpore viuat, ab illo circumagatur, hucq;. atq; illuc miserandum in modum circumferatur. Illam enim quam amat, vt idem bonus canit Poëta,

Absens absentem auditq; videtq;.

Amantes mi
seri. Ita omnis libidinosi animus miser est, vt alienum semper intueatur corpus, negligat verò suum, seque ipsum indignissimè profundat: nihil magni, neque quod homine fit dignum, homo libidini additus, cogitat: non dignitatis illi cura est, non publicæ utilitatis: immersusq; in hoc coeno, asper sibi ipsi est, inhumanus, sœuusq; adeuntibus, qui alieno arbitrio viuens, vt suauius insania, adhibet conuiuum, potat, nudus saltat: & vt omnem faciem deponat honestatis, incedit mascharatus. Atqui haec sunt incubacula Neroniana Auguste Rex: ab his ille initijs profectus, ad euertendum imperium Romanū accesserat. Cum enim media in libidine ipsius arderet furor, vinumq; quasi oleum furori ille suppeditaret, quod flagitium ille in se non admisit: quo scelerare Romam non confecit? quos homines non occidit? leges non euertit? quam pudicitiam, quam religionem

religionem ex vrbe non eiecit ? At illud monstrum conflatum erat ex libidine, quæ temulentiam peperit, hæc verò iracundiam. ita Nero cùm in humana forma quasi tres quasdam immanes beluas gestaret, nempe libidinem, temulentiam atq; furorem, quem illius hominis motum, quam agitationem, quos ad maleficium impetus fuisse censes ? proponne tibi animo : si quis in cutem humanam insueret hæc tria effera animalia simul, Aprum, Vrsum, & Leonem, quæ species quæso illius cutis esset ? quæ agitatio ? næ tu malles talem cutim, cùm iactationem ipsius ac rugitū horribilem videres, cœlo potius quām ex aliquo loco vicino aspicere. Cuiusmodi cùm Nero esset, Romanum quidem deuorauit imperium, sed tamen postea ipse se vltus est : ipse enim se postea interemit, serasq; licet, debitas tamen poenas Reipub. persoluit. Hunc exitum habuit illius libido, quæ incitata vinolentia ac furore incensa, post crudelem matris cædem, in tartara præceps abijt. Ergo huius exemplo tu cautius viues, memorq; sis, nullum Regem malum esse natura, sed consuetudine effici. Qui enim Rex se cupiditate primùm obstrinxit praua, deinde potat assidue, postea autem furiit, vt hodie ita & cras; certò certius scito, hunc Tyrannum fore nequissimum, Neroniq; similimum.

miliūm. Proinde in hac tua iuuenili ætate, præcep-
to Diui Pauli, fuge libidinem; vt hac liberatus, fa-
cilius temperatè, mansuetèq; viuas: in eoque plus
ætate, virtus tua, Regiaque dignitas apud te possit.
Quo autem alio cupiditatem libidinemq; ineuntis
ætatis tuæ coérceas, quām eo, quod præcepit Apo-
stolica vox: Vnusquisq. inquiens, propter fornicati-
Remediu*m* li-
bidinis vxor. onem habeat vxorem suam. Vxorem ergo ducas,
quæ ferocem adolescentiam tuam, suaq; sponte in
libidinem procluem, in officio contineat. Vxor er-
go ipsa sit modus atq; finis eius cupiditatis, quam
natura tibi ad procreandum largita est: sine qua,
vxore inquam, adolescentum vita, soluta, vaga, in-
certa, impudica, infamisq; est. Quare cùm absque
vxore te continenter, sobriè, ac mansuete viuere
non posse cernas; summa cura hanc tibi confessim
deliges, cum qua ætatem benè ac pudicè exigas.
Et quoniam tu duas personas sustines; alteram pri-
uati hominis, alteram Regis; meminisse debes in-
ducenda vxore, te hæc duo spectare oportere. Pri-
mùm est, vt tibi ducas vxorem, cum qua tu cubes:
Secundùm est, vt habeas Reginam, cum qua nobis
regnes. quòd si ex matrimonio tuo alterum horum
defuerit; imperfectum illud erit, minimeq; probabi-
le. noli enim putare, eandem esse rationem nuben-
di Re-

Vxor Regia
qualis.

di Regum ipsorum, quæ est priuatorum hominum: homo enim priuatus ipse sibi ducit vxorem, in eoq; tam bonum quam malum illius solius est qui duxit, nullius præterea alterius; sat tamen benè duxit, si honestam morigeramq; duxit. At Regum alia ratio est: neq; enim est curandum tantum Regi, vt vxorem bene moratam morigeramque ducat; sed vt ea quoq; commodo emolumentoq; sit regno. quæ regnum copijs ditet: noua societate iuuet: pacem populis conciliet: ac dignitatem, authoritatem, & maiestatem regno adferat. quæ non tantum vxor, sed consors, nō thori solū, sed etiam regni tui sit. Quam etiam ob rem, vt socia regni vxor Regis videatur esse atq; particeps, Reginæ vetusto more ad instar Regum ipsorum vnguntur, coronantur, ac Reginæ Dei gratia appellantur, atq; ita salutantur. dotesq; ipsarum certis in possessionibus ipsius regni assignantur. Talem tu vxorem Ferdinandi Romanorum Regis filiam Auguste duxeras, quæ incredibilis felicitates huic regno videbatur attulisse: famam primò egregiam, morum atq; pudicitia: deinde totius ferè Europæ societatem, ac foedus cum Carolo Cæsare, & Ferdinando Rege: pacem item cum Germaniæ principibus: summā postremò benevolentiam multorum hominū. Quæ quoniam fa-

*Commoda
coniugij Re-
gij.*

to nobis aduerso nuper extincta est , huic tu similem quæras quamprimum , quæ eadem bona tibi regnoq; tuo afferat, quæ illa attulerat. In eoq; sanè esto diligens. Si enim tu in despondenda tibi vxore rationem tui tantum habueris , non autem etiam nostri ; quanta Rempub. mala sequentur, vide. Primo, illa nobis erit iniusa ingrataq;. Deinde te ipsum odiosum exosumq; nobis reddet. Dolebimus enim te rationes tuas priuatas potiores duxisse commodis nostris publicis. Tum si quod bellum finitimu, aut si quæ vis externa nobis fuerit molesta ; tuum matrimonium accusabimus : de te ipso quæremur, ac dicemus: potuit hoc bellum non accidisse nobis: potuit pax inter nos & finitimos nostros constare, si Cæsar is filiam, aut Ferdinandi, aut illius, aut istius præpotentis Regis, Rex noster vxorem duxisset: nunc verò , cùm is desertam ab amicis duxerit , soli sumus relicti. in medio vndiq; angustiæ sunt nobis:

Hoc fides Polo- ab Aquilone Moschouia nos premit : ab Oriente Scythia atq; Valachia : à Meridie Turca ex Vngaria : ab Occidente verò Germania etiam nobis est infesta. nusquam auxiliij restat spes: vndiq; nos metus ambit & formido: actu est: perimus vnius adolescentis culpa. Tum etiā in aurem fidelem alter alteri illud insurribimus : Quid ? hoc né nos feremus?

vt vni-

vt vnius hominis causa tantum regnum pereat? tot
gentes atq; nationes perditum eant? tamque vetus
atq; potens Respub. pereat vnius adolescentis libi-
dine? Tales voces erunt in ore nobis, & aliæ multæ
consimiles, quas nunc animus meminisse horret;
difficile enim est non dicere, cùm doleas. Quod, ne
accidat, diligenter prouidebis: senatusq; tui iudicio,
vxorem tibi deliges, & tuo cubili, & hoc illustri re-
gno dignam: in eoq; imitabere auum tuum Cas-
imirum, patrem tuum item Sigismundum, qui ductis
vxoribus, regnum hoc stabilierunt. Duxerat enim
auus tuus vxorem filiam Alberti Archiducis Au- Exempla.
striae, qui idem Rex Romanorum fuit: pater autem
tuus matrem tuam clarissimam & nobilissimā fœ-
minam, ex veteri Regum Neapolitanorum familia,
in matrimonio habuerat. hos sequere potius, quām
Vladislai proaui tui factum deuium, qui magna in-
uidia ac summa obtrectatione vxorem è suo regno
Granovskam viduam duxerat; probam quidem il-
lam & honestam, sed vxorem tamen priuato alicui
homini aptiorem, quām Regi: quæ tamen ipsa duo-
bus annis non plus cum Rege viuens, cum publica
totius regni gratulatione, non vñcta, neq; corona-
ta, neq; Regina appellata, defuncta fuit. Tantum o-
diū patrum nostrorū in illas nuptias fuit. In cuius

defunctæ locum , Vladislaus proauiam tuam duxerat Zophiam Russiæ ducem. Sume tibi ad imitandum ex proavo tuo , quod honestum Regiumq; in illo fuit : quod verò inhonestum , ac turpe in eo videris ; id fuge ipse , atq; repudies , & ne repetas vetera. proxima ista exempla patris & avi tui propone tibi: hos tu sequere:hos imitare:ad illorumq; exemplum duc vxorem Maiestate tua dignam ; quæ hisce perturbatissimis temporibus iuuet regnum tuum nouis societatibus atq; amicitijs : pace item ac foederibus illud muniatur:& in illo quietem, otium, ac tranquillitatem constituant ; vt tu summa hominum benevolentia,honestissimè,ac sine vlla obtrectatione, in Polonia cum illa regnes ; vtq; cum vxore socia tuæ adolescentiæ , ac consorte thori tui , diu viuas,fausto feliciq; omine; vt nos ex tuo sacro sancto thoro habeamus duces,principes,atq; Reges,indubitatosq; regni tui heredes. Talem vxorem cum nactus fueris , tota Polonia venienti se illi obuiam effundet : aduentum gratulabitur : occurremus illi cum canticis & choris,læto pæane,nouam sponsam tuam,Reginam autem nostrā consalutantes; quam introducemus in thalamum matris tuæ clarissimæ atq; castissimæ fœminæ , veluti sanctam quandam atq; pudicam Rebeccam in tabernaculum Saræ: ut tu cum

tu cum illa latere Dijs hominibusque approbantibus; vtq; ex ea videoas filios certos filiorum tuorum, & pacem super Israel. hoc & te facere, & nos optare par est. His tu præceptis Auguste Rex atq; admonitis, temeritatem adolescentiae vinces: & cum illi hæc ista fræna temperantiæ cotinentiæq; inieceris; faciliorem animum ad res magnas gerendas habebis, qui ibi minimè valet, vbi libido totum occupat. Quæ si nusquam apud te valuerit, facile nos docebis, ab excellenti eximiaq; tua virtute, progressum ætatis expectari non oportere. Ages ergo in regno viri fortis opera: quodq; ætas negauit, id supplebit virtus tibi. Multorumq; exemplis tibi ad id persuade, qui admodum adolescentes, tantas res gesserunt, vt suum imperium auxerint, nomen ornarint. Et ne infinita persequar: Vnus Alexader Macedo tibi satis exempli ad res magnas fit, qui ab in- Alexandri continentia. eunte ætate, res maximas gerens, trigesimo tertio anno, mortem objit: deuictis iam Græcis: domitis Persis: ac tota Asia subacta. ex quo iudicari potest virtutem Regum in rebus gerendis plus posse, quam ætatem. Verum ad id, in quo fuit Alexander, ijsdem tu eas itineribus: fuit enim ille summa temperantia libidinum adolescentis, summaq; laborum tolerantia: atq; sub dio exercitationem sibi comparauerat: nunquam

nunquam siccus coenauit: nunquam nisi sudans ac-
cubuit: nunquam nisi sitiens à coena surrexit: raro
sub tecto, sèpè autem sub dio cubauit: lectulo libe-
ro, eoq; militari vtebatu : ita , vt ante Babiloniam
captam, mulier quid esset, nesciret. ita ille , cùm &
nocturno & diurno tempore militans viueret , for-
midabilis hostibus, charus autē suis fuit. Nam cùm
in re militari hæc duo summa sint , obedientia &
perseuerantia ; non alio duci fidere milites illi ma-
gis, neq; durare, quàm Alexandro poterant : nec in-
iuria ; videbant enim simul sudantem, algentem, ac
laborantem Regem : commune gaudium illis fuit
cum Rege, aliquo bono parto ; communis vicissim
dolor illo amisso. Tum verò si quid aduersi accide-
bat ; videbant primùm adesse, vltimum verò abesse
in periculo Alexandrum : vigilare: plus metuere: in
metu prospicere : res difficiles cōsilio gerere : inte-
gritate tueri, virtute verò conficere ; vt meritò mi-
litites & obedire , & in eo ipso spem habere maxi-
mam vellent. Iam verò, quis hoc duce in bellis illis,
quæ is gessit, acerrimus non perseuerasset ? si enim
bellum æstate gerebatur, plus in sole arsit; si in hye-
me, plus niue alsit quàm postremi militum. in labo-
ribus item militaribus, in vigilijs, in fame, in siti, vt
in exercitu, sic in his quoq; princeps Alexander fuit.

Quod

Quod tum vel in primis apparuit, cum per deserta
 Syriae, aridaq; loca, agmen duceret siti perditum. &
 cum illi proficiscenti vltro quidam haustum aquæ
 frigidæ offerret; ille præ se militibus siti iam enectis
 illud obtulit, reclamante exercitu: Viuas vero, in-
 quiunt, modo ipse Alexander: nō deerit tibi hic ex-
 ercitus: quòd si tu nobis peribis; exercitus hic vnà
 interibit. Tanta erat perseverantia militū illorum,
 vt foedam mortem non recusarent, modò ab Ale-
 xandro viuo non discederent. At hæc tanta mili-
 tum perseverantia, nō aliò, vt vides fuit parta, quam
 labore ducis; vt mirum iam non sit, Asiam ipsam
 huic tam excellenti virtuti succubuisse. Contrarijs
 enim rebus, Alexander aluit virtutem domi, & vi-
 ctoria quæsiuit foris. Vicit enim Persas opulen-
tos, inopia: Græcos luxuriosos, continentia: Indos
desides, vigilantia: Caucasum denique ipsum, deui-
cit siti, labore, atq; inedia. Sic ille obedientia, per-
severantiaq; militum, cum imperium vtroq; Ocea-
no terminasset; non solùm victor orbis terrarum fu-
it, sed etiam exemplum victoriosis Regibus est fa-
ctus: quem ego tibi ideo descriptum propono, vt
illius exemplo ætas te ab his quæ magna concipi-
ueris, non deterreat: ex hoc enim Rege, disces re-
gna atque bella à Regibus, animi viribus magis

Victoriae Alexандri ratiō.

quam corporis administrari. Tu modò ad exemplum Alexandri, subduc corpus tuum libidini, illudque ut iam dixi in Russiam transfer, ubi algeas, esurias, ac sitias, ac ubi non videas formas venustas, non audias cantilenas, non odores vnguenta, non gustes delicata, non tangas impudica; sed ea quae viri fortis & robusti Regis sunt, assidue illic videas, tristes, ac in his sis. Ibi tu milites hilares ac tui amantes facies: corpora illorum exercebis, animos parabis onus belli ferre, ac tibi obedire, tecumque durare velle consuefacies. Hostes etiam tui, cum audierint, te hac ista continentiae atque militiae laude florere, abstinebunt a tuo, atque item nostro: tuumque nomen plus quam arma metuent: ut ita gloriosus Rex in Polonia regnes, famaque; vsque ad sydera notus fias. tu modò sensum huius gloriæ iam nunc fideliter degustes. Ad eamque; hac ista via sapientiae, iustitiae, fortitudinis, atque continentiae contendas, quam tibi hoc in scripto fideliter proposui. Noli querere purpure aut byssso laudem apud homines: non inutilem potentiam, non inuidiosas opes, non cupiditatem dominandi præcipitem, & lubricam, anteferas veræ, graui, solidæque; gloriæ; quæ illa sit summa apud te ac postrema, ut Poloni natum te sibi atque datum esse Regem gaudeant, vtque; te charum habeant salutaremque;

*Quibus rationib
nibus Rex
laudem quæ-
rat.*


lutaremq; Reipub. esse arbitrentur. Cum hac gloria tu nihil comparandum putas : hanc omnibus o-
pibus tuis præfer, vitaq; ipsa tueare : quam etiam vt
consequaris, omnem vim ingenij, quæ summa est in
te, in hac ista meditatione consumes.


Scriptum etiam hoc meum benignè suscipies, *Conclusio o-*
illudq; leges: nec verò requiras ipsius scriptoris no- *peris.*
men, sat tibi sit fidelem subditum tibi tuum esse, qui
hæc ad te miserit. quòd si tu talibus scriptis lætabe-
re, suppeditabit fortasse fides erga te nostra, si
nō maiora, yberiora certè quidem quām hæc sunt:
quæ ad te deinceps mittemus : tu interea
benè vale, felixq; nobis regna.

F I N I S.



7552
1





W.M.C.

7552
1

